

四庫全書

子部

# 欽定四庫全書

子部

御定淵鑑類函卷六十

詳校官定府丞臣寶光鼎

主事臣祁韻士覆勘

總校官檢討臣何思鈞

校對官學正臣李 巖

膳錄監生臣蔣繼勲

欽定四庫全書

御定淵鑑類函卷六十

帝戚部

諸王

公族

外戚

諸王一

原案周易稱先王建萬國親諸侯史記云黃帝置左右  
太監以監萬國堯典云協和萬邦左傳云禹會諸侯於  
塗山執王帛者萬國萬國之數蓋親賢兼封夏列九州  
制五服立爵五等分地有三公侯方百里伯方七十里

子男五十里不足五十里曰附庸殷則爵列三等周又  
列為五等則公方五百里侯伯子男各百里為差不滿  
百里為附庸凡王之子弟並參封之秦稱皇帝除五等  
之制以郡縣子弟為匹夫漢興立爵二等大者王小者  
侯而王之號謂為諸侯後漢建武初朱祐議以為土無  
二王臣爵者不過公於是悉封郡公十七年又依舊稱  
王魏改封郡王晉又封國宋齊以後皆封郡隋復封國  
公

以上並見齊職儀及  
五代史志初學記

增唐高祖初欲強宗室以鎮

天下故皇再從三從弟及兄弟之子雖童孺皆為王

者數十人太宗貞觀元年問羣臣封宗子於天下利乎

封德彞對曰前世唯皇子及兄弟乃為王自餘非有大

功無為王者上皇敦睦九族大封宗室自兩漢以來未

有如今日之多者爵命既崇多給力役恐非示天下以

至公也上曰然朕為天子所以養百姓也豈可勞百姓

以養己之宗族乎乃詔降宗室郡王皆為縣公惟有功

者數人不降

文獻通考

宋稽漢非劉氏不王之制封皇之

期親為王其次屬近行尊者止封郡王若皇子出閣亦封郡王及納妃就外第始封王仁宗語輔臣曰自荆王沒而祖宗之後未有封王爵者乃封皇叔德文等為郡

王

翰苑新書

宋制宗室襁褓即裂土而封然名存實亡無

封建之實故不獲維城之助云

宋史

金熙宗天眷元年

始定封國制凡封王大國號二十次國三十小國三十

封王之郡號十

以漢遼唐宋梁秦殷楚類皆昔有天下之號不宜封臣下遂皆改之

其

封爵正從品級高下正從一品曰郡王曰國公正從二

品曰郡公正從三品曰郡侯正從四品曰郡伯正五品  
曰縣子從五品曰縣男海陵正隆二年改定親王以下  
封爵等第存者二品以上死者一品參酌削降公私文  
移但有王爵字者皆立限毀抹 元宗室駙馬通稱諸  
王初制簡樸位號無稱惟視印章以為輕重後雖有國  
邑之名而印章之等如舊封一字王者金印獸紐兩字  
王者金印螭紐次有金印駝紐金鍍銀印駝紐龜紐有  
止用銀印龜紐等級不同如此又同姓有無國邑而稱

王者但稱宗王 明太祖既正大位封王子十人為王  
置相傳設官屬定禮儀列爵而不臨民分土而不任事  
凡親王嫡長子為王世子次長子及庶子年十歲封郡  
王郡王子授鎮國將軍孫授輔國將軍曾孫授奉國將  
軍元孫授鎮國中尉五世孫授輔國中尉六世孫以下  
授奉國中尉著為令

續文獻  
通考

原漢書表曰諸侯王高

帝初置金璽組綬

蔡邕獨斷曰漢制皇子封為王其

實古諸侯也周末諸侯或稱王而漢天子自以皇帝為



稱故以王號加之總名諸侯王法律家皆曰列侯天子

太社以五色土為壇皇子封為王者受天子太社之土

以所封之方色東方受青南方受赤他如其方色藉以

白茅歸國以立社故謂之茅土

孔安國注曰王者分五色土為社則各割方色

土與之使立社燾以黃土苴以白茅茅取其潔黃取王者履被四方

賈誼書曰高帝瓜

分天下以王有功之臣反者如蝟毛而起高皇帝以為

不可制故削去不義諸侯空其國擇良日立諸子洛陽

上東門外諸子畢王而天下乃安漢書曰楚元王交

高帝弟自帝即位交與盧綰常侍上出入卧内傳語言  
諸内事隱謀文帝尊寵元王子爵比皇子 又曰初楚

元王敬禮申公等穆生不嗜酒元王每置酒嘗為穆生  
設醴 又曰齊悼惠王肥高帝子食七十餘城諸民能

齊言者皆與齊 又曰梁孝王文帝竇皇后少子愛之

賞賜不可勝道孝王築東苑方三百里得賜天子旌旗  
從千乘萬騎出稱警入言蹕擬於天子招延四方豪傑

自山東遊士莫不踵至

師古曰警者戒肅也蹕止行人也言出入者互文耳

又

曰河間獻王德字文載景帝子脩學好古從民得善書

必為好寫與之留其真本加金帛賜以招之由是四方

道術之人不遠千里或有先祖舊書多奉以奏獻王者

故得書與漢朝等被服儒術造次必於儒者武帝時獻

王來朝獻雅樂對三雍之宮及詔策所問三十餘事其

對推道術而言得事之中

應劭注曰三雍辟  
雍明堂靈臺也

又曰魯

恭王餘景帝子好治宮室苑囿狗馬王初壞孔子舊宅  
以廣其居聞鐘磬琴瑟之聲遂不敢壞於其辟中得古

文經傳

又曰淮南王安為人好書善鼓瑟一作琴不喜

弋獵狗馬馳騁亦欲以陰行德拊循百姓招致賓客方

術之士數千人為作內書三十一篇外書甚衆又有中

篇八卷言神仙黃白之術 又曰淮陽憲王欽宣帝子

好經書法律聰達有才帝甚愛之數嗟嘆憲王曰真我

子也 後漢書曰清河王慶多被病或時不安帝朝夕

問訊 東觀漢記曰齊武王縯字伯升有二子建武二

年立長子章為太原王興為魯王十一年徙章為齊王

十五年追謚伯升為齊武王章少孤光武感伯升功業  
不就撫育恩養甚篤以其少貴欲令親吏事故試守平  
陰令 又曰東平王蒼少有孝友之質寬仁宏雅帝即  
位詔以為驃騎將軍位在三公上四年蒼上疏願朝上  
以王觸寒涉道使中謁者賜乘輿豹裘蒼到洛陽使鴻  
臚持節郊迎引入不在讚拜之位升殿乃拜上親答拜  
諸王歸國上特留蒼八月飲酎畢大鴻臚奏遣蒼發上  
親臨送流涕賞賜以億萬數 又明帝詔書示諸國曰

詔問東平王蒼處家何等最樂王對曰為善最樂帝曰其言甚大副其腰腹蒼體長美鬚眉腰帶八尺二寸

又曰北海靖王興每朝廷有異政京師雨澤秋稼好醜輒驛馬下問興其見親重如此 又曰廣平鉅鹿樂成王在邸入問起居車馬鞍勒皆純黑無金銀彩飾馬不踰六尺於是以白太后即賜錢各五百萬 魏志曰鄧哀王冲字蒼舒少聰察岐嶷生五六歲智意所及有若成人孫權曾致巨象太祖欲知其斤重訪之羣下咸莫

能出其理冲曰置象大船之上而刻其所至稱物斤以載之則斤可知矣太祖大悅即施行焉時軍國多事用刑嚴重太祖馬鞍在庫而為鼠所齧庫吏懼必死冲謂曰待三日中然後自歸冲於是以刀穿單衣如鼠齧者謬為失意貌有愁色太祖問之冲對曰世俗以為鼠齧衣者其生不吉今單衣見齧是以憂戚太祖曰此妄言耳無所苦也俄而庫吏以齧鞍聞太祖大笑曰兒衣在側尚齧况鞍懸柱乎一無所問又曰中山王袞少好

學生十餘歲能屬文每讀書文學左右常恐以精力為患數諫止之然性所樂不能廢也文學防輔相與言曰受詔察公舉錯有過當奏及善亦宜以聞遂共表稱陳袞美袞聞之大驚責讓文學曰脩身自守常人之行耳而諸君乃以上聞是適所以增其負累也又曰任城威王彰字子文少善射御力過人手格猛獸不避險阻數從征伐志意慷慨太祖常折之曰汝不念讀書慕聖道而好乘馬擊劍此一夫之用何足貴也彰謂左右曰



大丈夫一為衛霍將十萬騎馳沙漠驅戎狄立功建號

爾奈何作博士邪 又任城王傳曰太祖嘗問諸子所

好使各言其志曰好為將披堅執銳臨難不顧為士卒

先 魏志曰陳思王植字子建年十餘歲誦讀詩論及

辭賦數十萬言能屬文太祖常視其文謂植曰汝倩人

爾植跪曰言出為論下筆成章願當面試奈何倩人時

銅雀臺新成太祖悉將諸子登臺使各為賦植援筆立

就可觀太祖甚異之 王隱晉書曰齊王攸好學不倦

就人借書皆為治護然後還之太康三年詔攸當出統  
方岳撫其國家加都督青州增封濟南郡備物典策軒  
懸之樂六佾之舞賜金鉞朝車乘輿之副 又曰安平  
獻王孚世祖受禪為太宰四年正會上見太宰身執子  
孫之禮輿車上殿上於阼階下迎拜王既坐上又親奉  
上壽孚雖見尊寵不以為榮常有戚容獻王一門三世  
同時十人封王二人世子父位極人臣子孫咸居大官  
出則旌旗節鉞入則貂蟬袞冕自公族之寵未始有也

又云長沙厲王入字士度封長沙王性果厲有成斷

晉書云西陽王羨字延年文成王亮子也輔成帝時  
帝幼冲詔羨依安平獻王孚故事設牀帳於殿上帝親  
迎拜 晉百官表曰王古號也夏殷周稱王金璽龜鈕  
細纁朱綬五時朝服遠遊冠佩山元玉 又注曰今制  
王國戶二萬為大國不滿萬戶為小國也 沈約宋書

曰衡陽王義季為荊州刺史先是臨川王義慶在任已  
蜀亂據師旅應接府庫空虛義季躬行節儉蓄財省用

數年間還復充實隊主續豐母老家貧無以充養遂斷不食肉義季哀其志給豐每月白米二斛錢一千并制豐啖肉義季素拙書上聽使餘人書啓事唯自署名而已素嗜酒自彭城王義康廢遂為長夜之飲畧無少醒日太祖累加詰責義季引愆陳謝上詔報誠語終不改以至於終又曰始平孝敬王子鸞字季羽孝武帝第八子也母殷淑儀寵傾後宮子鸞愛冠諸子凡為上所聘遇者莫不入子鸞府國及為南徐州又割吳郡以屬

之 又曰建平宣簡王宏字休度文帝第七子也少而  
閑素篤好文籍太祖寵愛殊常為立第於鷄籠山盡山  
水之美建平國高他國一階 齊書曰竟陵王子良開  
西第延才俊以為士林自永明末京邑人士盛為文章  
談議皆奏於西邸 梁書曰梁南平元襄王偉好學重  
士四方遊士當世知名者莫不畢至齊世有青谿宮改  
為華林苑賜偉為宅穿渠種植與賓客遊其中梁世藩  
邸之盛無過也 語林曰譙王承作相州遇大將軍曰

卿才堪廊廟自無間外 世說曰海西時諸公每朝朝

堂猶暗唯會稽王來軒軒如朝霞舉

藝文類聚

增太平御

覽曰後魏任城王澄字道鏡少好學文明太后引見誠  
勵之顧謂中書令李冲曰此兒風神秀發德音閑婉當  
為宗室領袖後為中書令蕭贍使庾華來朝見澄音韻  
道雅風儀秀逸謂主客郎張彞曰往魏任城以武著稱  
今魏任城乃以文見美也 又曰臨淮王彧字文若少  
有才學時譽甚美侍中崔光見彧退而謂人曰黑頭三

公當是此人琅邪王誦有名人也見之未嘗不心醉忘  
疲事詞類奇曰臨淮王或博通典籍辨慧清恬性愛  
林泉又重賓客至於春風扇揚花樹如錦晨食南館夜  
遊後園俊民滿席羽觴流行詩賦並陳清言乍起莫不  
飲其元奧忘其褊狹是以入或室者謂為登仙唐書  
曰馬周言漢晉以來亂天下者何嘗不在諸王皆由樹  
置失宜不預為節制以至滅亡人主豈不知其然溺於  
私愛爾今天下百姓尚少而諸王已多其寵遇從厚者

臣愚慮之且帝子身食大國何患不富而歲別優賜曾無限極今大聖創業豈唯處置見子弟而已當制長久之法使萬代奉行 又曰河間元王孝恭少沉敏有識量高祖已定京師詔拜山南招慰大使徇巴蜀下三十餘州遂圍江陵降蕭銑遷荊州大總管詔圖破銑狀以進時嶺表未平乃分遣使者綏輯安慰其款附者四十有九州朝廷威令暢南海矣太宗身自討亂謀臣騎帥並隸麾下無特將專勲者惟孝恭獨有方面功以自見



云史贊曰河間之功江夏之畧可謂宗室標的者也

又曰太宗時高馮上言

密王元曉等皆陛下懿親當正其禮比見帝子拜諸叔  
諸叔答拜爵封既同當明昭穆願垂訓正以為彝法太  
宗稱善 又曰貞觀時諸王奉給薄於帝子道孝王元  
慶數窘乏大臣莫敢言後褚遂良為太宗從容言之不  
能行 又曰武后時諸王能者皆誅死幼皆沒為官奴  
或匿民間傭保至神龍中諸王子孫自嶺外還入見中  
宗皆號慟帝為泣下隨屬遠近封拜云 又曰嗣王守

禮太子賢子也武后革命守禮與睿宗諸子閑處宮中  
十餘年睿宗封相王許出外郎於是守禮等始居外開  
元初累為州刺史時寧申岐薛王同為刺史守禮惟弋  
獵酣樂不領事後還諸王京師守禮以外支為王不甚  
才而多寵嬖子六十餘人常負息錢數百萬或勸少治  
居產守禮曰豈天子兄無葬者邪諸王每白上以為歡  
又曰岐王嘗奏守禮知雨暘帝問故答曰臣無他當  
天后時太子被罪臣幽宮中歲被勅杖凡三四累創痕

膚前雨則沉瀼霽則佳以此知之帝為惻然又曰初  
隋亡禁內圖書湮放唐興募訪稍稍復出藏秘府長安  
初張易之奏天下善工潢治乃密使摹肖殆不可辨竊  
其真藏於家既誅悉為薛稷取去稷敗岐王範得之後  
卒為火所焚又曰中宗失道身為母所廢妻所弑而  
四子皆不得其死嗣亦不傳殆天穢其德而絕之邪睿  
宗有聖子一受命一追帝三贈太子天與之報福流無  
窮又曰開元初潘好禮為邠王府長史王為滑州刺

史好禮兼府司馬知州事王每遊觀好禮必諫諭禁切  
農月王出獵家奴羅列好禮遮道諫王初不許乃卧馬  
下諄曰今農在田王何得非時暴禾稼以損下人要先  
踐殺司馬然後聽所為王慚為還 又曰賀蘭進明有  
憾於房瑄因進言於肅宗曰瑄為聖皇建諸王為都統  
節度乃謂陛下為元子而付以朔方河東河北空虛之  
地永王豐王乃統四節度此於聖皇似忠於陛下非忠  
也帝由是惡瑄 又曰劉晏避地襄陽永王璘署以右

職固辭移書房琯論封建與古異今諸王出深宮一旦  
望桓文功不可致 又曰舒王誼初名謨昭靖太子邀  
之乎也德宗愛之取為子於諸王最長帝欲試以事故  
拜涇原節度使時尚父郭子儀病篤帝臨軒遣謨持節  
往視謨冠遠遊冠御絳袍乘象輅四馬飛龍士三百國  
府官皆袴褶以從謨宣詔已乃易服勞問還 又曰宣  
宗十一子帝初詔鄆王居十六宅餘五王處大明宮內  
院以諫議大夫鄭漳兵部郎中李鄴為侍讀五日一謁

乾符門為王授經鄆王立是為懿宗乃罷昭宗乾寧三年通王滋等領侍衛諸軍是時誅王行瑜而李茂貞怨以兵入覲詔滋與諸王分統安聖捧宸保寧安化軍衛京師天子將狩太原韓建道迎之留次華州建畏王等有兵遣人上急變告諸王欲殺建脅帝幸河中帝驚召建諭之稱疾不肯入勅滋與諸王詣建自解建奏言中外異體臣不可以私見又言晉八王擅權卒敗天下請歸十六宅悉罷所領兵帝不許建以兵環行在請誅大

將李筠盡逐衛兵自是天子孤弱矣後建與劉季述矯  
詔以兵攻十六宅諸王披髮乘垣走或升屋極號曰帝  
救我建乃將十一王并其屬至石堤谷殺之徐以謀反  
聞天下寃之 又曰昭宗十七子始帝幸華州韓建奪  
諸王兵不自安乃請王皇子之未王者既又殺諸王因  
請立皇子裕為皇太子朱全忠自鳳翔還見王春秋盛  
標宇軒秀忌之密語崔穎曰帝以罪殺之帝不許帝遷  
洛他日謂蔣元暉曰德王朕愛子全忠奈何欲殺之言

已泣下全忠憲帝被弑元暉置酒邀諸王九曲池飲酣  
皆殺之投尸水中 宋史曰魏悼王廷美太宗弟也或  
謂昭憲太后本意命太祖傳位太宗太宗傳之廷美而  
廷美復傳之德昭故太宗既立即令廷美尹開封德昭  
實稱皇子及德昭不得其死德芳相繼夭絕廷美始不  
自安而柴禹錫等告廷美陰謀上召問趙普普對曰臣  
願備樞軸以察姦變退復密奏金匱並書他日太宗訪  
以傳國之意普曰太祖已誤陛下豈容再誤邪於是廷



美遂得罪 又曰武功郡王德昭以太尉從征幽州軍  
中嘗夜驚不知上所在有謀立德昭者上聞不悅及歸  
以北征不利久不行太原之賞德昭以為言上大怒曰  
待汝自為之賞未晚也德昭退而自剄上聞驚悔往抱  
其尸大哭曰癡兒何至是邪追封魏王又改越王 又  
曰淳化中皇子益王元傑改封吳王行揚州潤州大都  
督府長史領淮南鎮江兩軍節度張洎當草制因上疏  
議曰謹按前史皇子封王以郡為國置傅相及內史中

尉等佐王為治自漢魏以降所封之王始不之國朝廷命卿大夫行郡即稱內史行郡事東晉永和太元之際有琅邪王會稽王臨川王故謝靈運王羲之等為會稽臨川內史即其事也唐有天下以揚益潞幽荆五郡為大都督置長史司馬為上佐即前代內史之類也其大都督之號非親王不授者揚益等郡或有親王遙領朝廷命大臣臨郡者即皆長史副大使知節度事也如段文昌出鎮揚州云淮南節度副大使知節度事兼揚州

大都督府長史李載廬龍節度副大使知節度事兼幽  
州大都督府長史即其例也今益王以揚潤二郡建社  
為吳國王居大都督之任又已正領節度事豈宜加長  
史之號乃是國王自為上佐矣儻他日別命守將俾臨  
本郡不知以何名目而授除也上命異日除授并改正  
之 又曰楚王似神宗第十三子哲宗母弟也哲宗崩  
皇太后議所立宰相章惇以似對太后曰均是神宗子  
何必然乃立端王徽宗定位改司徒徙王蔡以王府史

語言指斥送大理寺驗治似上表待罪左司諫江公望  
上疏以為親隙不可開開則言可離貳疑迹不可顯顯  
則事難磨滅若以曖昧無根之語加諸至親骨肉之間  
則有魏文相煎太急之譏而忘大舜親愛之道願陛下  
密詔有司凡無根之言勿形案牘倘有瑕可指一有浸  
淫旁及蔡王之語陛下將何以處之陛下何顏見神考  
於太廟乎疏入公望罷知淮揚軍然徽宗頗思其言止  
治王左右而已 又曰鎮王竑希瞿之子也初沂靖惠

王薨無嗣以竑為之後尋立為皇子竑好鼓琴丞相史  
彌遠買美人善鼓琴者納之而厚廩其家使美人間竑  
動息必以告宮辟有輿地圖竑指崖州曰他日置史彌  
遠於此又嘗呼彌遠為新恩以他日非新州則恩州也  
彌遠聞之嘗因七月七日進乞巧奇玩以覘之竑乘酒  
碎於地彌遠大懼日夕思以處竑而竑不知也及寧宗  
崩竑跂足以需宣召久而不至屬目牆壁間見快行過  
其府而不入疑焉已而擁一人徑過天已暝不知其為

誰甚感昀既至彌遠引入樞前舉哀畢然後召竑竑聞命亟赴至則每過宮門禁衛拒其從者彌遠亦引入樞前舉哀畢引出帷旣而召百官立班聽遺制則引竑仍就舊班竑愕然曰今日之事我豈當仍在此班未幾遙見燭影中一人已在御座宣制畢閣門贊呼百官拜舞賀新皇帝竑不肯拜殿帥夏震捽其首下拜帝加竑少保進封濟王令就賜第又曰寶慶元年湖州人潘壬與弟丙謀立竑竑聞變匿水竇中壬等得之擁至州治

加以黃袍竝號泣不從不獲已與之約曰汝能勿傷太  
后官家乎衆許諾遂發軍資庫金帛會于犒軍比明視  
之皆太湖漁人及巡尉兵卒不滿百人耳竝知其謀不  
成率州兵討之遣王元慎告於朝彌遠命殿司將彭任  
討之至則事平彌遠令客余天錫托召醫治竝疾因逼  
縊於州治帝輟朝賻贈右正言李知孝累奏追奪王爵  
降封巴陵郡公於是廷臣真德秀魏了翁洪咨夔胡夢  
昱等每以竝為言彌遠輒惡而斥遠之 金史曰宗弼

本名鄂爾多又作烏珠太祖第四子也宗望伐宋宗弼從軍後伐宋康王自江寧取廣德至湖州遂攻杭州取之宋主奔明州宗弼留杭州使阿里哈富瑋攻明州克之宋主走入於海又自溫州趨福寧州追三百餘里不及乃還宗弼軍自杭州取秀州平江宋韓世忠以舟師扼江口轉戰乃北還天眷元年置行臺於燕京詔宗弼為太子領行臺尚書省都元帥如故天眷三年又伐江南宋人請和又曰宗弼蹙宋主於海島卒定畫疆之約



世宗嘗曰宗翰之後唯宗弼一人而已 又曰錫王永

中世宗子也世宗幸上京顯宗居守并留永中顯宗先  
遣章宗宣宗奉表起居於上京既而遣永中子光祿大  
夫錫衮乃奉表世宗喜謂豫國公主曰皇太子孝德天  
成先遣二子繼遣此子兄弟之際相友愛如此也 通

紀曰太祖洪武三年封諸王詔曰朕聞古昔帝王之子  
居嫡長者必正儲位其衆子當封以王爵分茅胙土以  
名其國朕今有子十人即位之初已立長子標為皇太

子諸子之封本待報賞功臣之後然尊卑之分所宜早  
定乃封諸子為王皆授以冊寶設置相傅官屬明紀  
事本末曰明太祖崩遺詔諸王臨國中無得至京王國  
所在文武吏士聽朝廷節制惟護衛官軍聽王及葬孝  
陵援遺詔止諸王會葬詔下諸王不悅謂此齊尚書疎  
間也又曰戶部侍郎卓敬密奏裁抑宗藩於是燕周  
齊湘代岷諸王頗相煽動有流言聞於朝上患之謀諸  
齊泰泰與黃子澄首建削奪議泰曰燕握重兵且素有

大志當先削之子澄曰燕預備久卒難圖宜先取周翦  
燕手足乃命曹國公李景隆調兵猝至河南圍之執周  
王及其世子妃媛送京師削爵廢為庶人遷之雲南

又曰代王居藩有貪虐狀方孝孺請以德化導之帝遣  
之入蜀使與蜀王居時蜀王素以賢聞故也 又曰都  
督府斷事高巍上書曰高皇帝上法三代之公下洗羸  
秦之陋封建諸王為計至遠也無何地大兵強易以生  
亂今諸藩驕逸違制不削則廢法削之則傷恩賈誼曰

欲天下治安莫若衆建諸侯而少其力臣愚謂今宜師  
其意勿施黷錯削奪之策效主父偃推恩之令西北諸  
王子弟分封於東南東南諸王子弟分封於西北小其  
地大其城以分其力如此則藩王之權不削自弱矣上  
嘉之然不能用 又曰人告岷王梗不法事削其護衛  
廢為庶人又以湘王柏偽造鈔及擅殺人降勅切責仍  
遣人以兵迫執之湘王曰吾聞前代大臣下吏多自引  
決身高皇帝子南面為王豈能辱僕手求生活乎遂闔

宮自焚死又以人告齊王搏陰事詔至京廢為庶人拘繫之幽代王桂於大同廢為庶人未幾靖難兵起弇山堂別集曰仁宗謂戶部尚書夏原吉曰朕諸叔在者無幾諸兄弟惟趙王居京師餘皆守藩於外朕旦夕在念蓋帝王之治莫先親親况朕親嗣大位於此尤當加意其增諸王歲祿及漢庶人以宣德元年反國除而趙王亦辭所加之祿矣又曰仁宗朝韓王冲烺襲王冲秋樂平王冲炆各獻詩頌上歎而嘉之賜勅獎諭比之

東平河間仍賜金幣有差 明紀事本末曰天順復辟  
襄王瞻璿來朝先是土木之變王兩上疏慰安皇太后  
乞命皇太子攝位急發府庫募勇敢之士務圖迎復仍  
乞訓諭邸王盡心輔政疏上景帝已立八日矣至是得  
疏宮中上覽之感歎手勅取王入朝禮待甚隆王辭歸  
上送至午門王伏地不起上曰叔父欲何言王頓首曰  
萬方望治如飢渴願皇上省刑薄斂上拱手謝曰敬受  
教 通紀曰寧王宸濠天順間以事革去南昌護衛及

屯田陸完先為江西按察使與宸濠交厚至武宗時完為兵部尚書宸濠遂遺完書欲乞復護衛完答書須以祖訓為言時伶人臧賢有寵於上宸濠通於賢輦載金寶藏賢家分饋諸權要大學士費宏知之大言於內閣曰今寧王以金寶鉅萬謀復護衛苟聽其所為吾江西無噍類矣陸完知宏必為梗乃密謀於朱寧楊廷和時三月既望廷試進士內閣官與部院大臣皆在東閣讀卷完於十四日投覆寧王乞復護衛疏次日中官盧明

過東閣只請廷和趙出擬旨復給寧王既復護衛益驕橫矣又曰正德十二年秦王三疏請陝之邊境益其封壤朱寧江彬輩皆受其賂助之請上許之兵部及科道交章執奏謂太祖高皇帝有令茲土不得畀藩封不可聽許上曰朕念親親與之勿拒大學士楊廷和當草制遂引疾不視事蔣冕亦繼引疾梁儲曰皆引疾孰與事君於是上震怒內臣督促草制儲承命草上制曰昔太祖高皇帝著令曰此土不畀藩封非吝也念此土廣



且饒藩封得之多蓄士馬饒富而驕姦人誘為不軌不利宗社今王請祈懇篤朕念親親畀地於王王得地宜益謹毋收聚姦人毋多養士馬毋聽狂人勸為不軌震及邊方危我社稷是時雖念保全親親不可得已王慎之毋忽上覽制駭曰若是其可虞其勿與事遂寢梁儲從容回天時咸服其善諫

諸王二

原麟趾 犬牙

毛詩曰麟之趾振振公子于嗟麟兮注云趾足也麟信而應禮以足至者振振

信厚也于嗟歎辭也漢書曰高帝

王子弟犬牙相制所謂磐石之固

犬牙注毛詩曰懷

德維寧宗子維城

藩屏皇家

維翰帝室

魏志曹植傳植

初封冊書曰爰茲青社封于東土以藩屏皇家為魏藩

輔晉百官表注云封皇子及公族親屬為王所以維

翰帝室詩云

大邦維翰

素土苴茅金璽駝鈕

諸侯王黃金璽橐駝鈕

增歷數建國

唐書曰李百藥稱歷數之長短不在封建社

佑言天為人置君欲其蕃息則在郡縣然而主祚常促

為君置人不病其寡則在建國然而主祚常永故曰建

國利一宗建

郡利百姓

廣陵厲王策

曰受茲赤社

主陝徙封

唐書曰高祖初命秦王還洛陽行臺自陝以東悉主

之建天子旌旗如梁孝王故事王將行建成等使人密說高祖沮之事遂寢

鬱林王恪貞觀十年改王吳與

魏齊蜀蔣越紀六王同徙封授安州都督帝賜書曰汝

惟茂親勉思所以藩王室以義制事以禮制心外為君

臣內為父子今當去膝下不遺

**勝衣**

**賜紫**

翰苑新書曰史

汝以珍而遺汝以言其念之哉

三王世家云能勝衣趨拜宜因盛夏吉時定位號以廣

藩輔唐書曰唐制嗣郡王加四品階親王子服緋開

元中張九齡奏寧薛及邠王三子為王者

賜紫餘皆服緋後從帝至蜀者皆服紫

**出閣朝**

**廟**

宋史曰宋故事皇子出閣即封王太祖以德昭冲年欲其由漸而進授貴州防禦使至檢校太傅同中書

門下平章事終太祖世不封王爵太平興國間始封武

功郡王五代史曰後唐明宗長興元年封長子從榮

為秦王故事諸王受封不朝廟而有司希旨欲重其禮

乃建議告廟於是從榮朝服乘輅車具鹵簿至朝堂受

冊出載冊以車朝於太廟京師之人皆以為榮

不出閣

領鎮軍

唐書曰明皇三十子

長琮十三年十一王同封十五年與十王並領節度不出閣代宗大厯間田承嗣不臣而昭靖太子薨無疆

土帝乃悉王諸子領諸鎮

軍威天下然皆不出閣

歸南班

減歲祿

宋史曰光宗時

臣僚上言治平中追崇濮邸王子孫幾二十人皆自環衛序遷其官今居南班者止師夔一人前未建秀邸時欲賦以祿則不免責以吏事今已建邸而猶責吏事他日或不免於誡治則傷恩不則廢法蓋歸之南班俾無吏事而享富貴遂詔伯圭諸子得換班 俞山堂別集曰明世宗時禮部覆豐林王疏議處宗室事上自為書欲將朝廷皇子皆封郡王親王次子皆封鎮國將軍書成未發以示張孚敬孚敬言諸王封爵原有定制恐一旦減降有失親睦之道莫若量減祿而不降封郡王以下凡全支俸者量為遞減以示樽節上不果行嘉靖末

禮部議上宗藩條例於是郡王以下各辭減歲祿矣

屏京維服

分封太多

翰

新書顏延年應詔曲水曰昔在文昭今維武穆於赫王宰屏京維服注王宰謂宋彭城王也為京室之藩屏維持五服之諸侯也明紀事本末曰太祖九年訓導葉居升應詔陳言極論分封太多累曰國家懲宋元孤立宗室不競之弊秦晉燕齊吳閩諸國各盡其地而封之都城宮室之制亞於天子之都賜之以甲兵衛士之盛臣恐數世之後尾大不掉然後削地而奪之權則起其怨如漢之七國晉之諸王否則恃險爭衡否則擁衆入朝防之無及也願及今諸王未之國之先節其都邑之制減其衛兵限其疆里亦以待封諸王之子孫此制一定可以世為藩輔太祖怒以為離間骨肉繫死獄中後無敢言者

諸王為將 百子

並封

弇山堂別集曰諸王將兵者明初皇姪文正以總兵鎮洪都諸將悉聽節制後秦王征西晉王燕王

征北楚王湘王征五開洞蠻俱領勅為大將軍統兵公  
侯皆節制永樂元年初下京師制高陽郡王高煦充副  
將軍北平開元諸衛及從征官軍悉聽節制慶成王  
生一百子俱成長自封長子外餘九十九人並封鎮國  
將軍每會紫玉盈坐至不能相識而人  
昏龍準極異事也以上總裁封建

## 原二南兩

東

毛詩叙曰周南召南正始之道王化之本潘岳西征  
賦曰我徂安陽言陟陟陟郭美哉邈乎茲土之舊也固

乃周召之所分二南之所交麟趾信于闕雎鳩虞應乎  
鵲巢東觀漢記曰東平憲王蒼寬仁宏雅光武崩明

帝詔曰東平王蒼寬博有謀可以托六尺之孤臨大節  
而不可奪其以蒼為驃騎將軍魏志曰臨淄侯善屬文

徙封東  
阿王

## 魯衛

## 梁楚

左傳曰管蔡邠霍魯衛毛冊邾  
雍曹滕畢原豐邠文之昭也

漢書曰漢興之初海內新定同姓寡少懲戒亡秦孤立  
之敗於是割裂疆土立二等爵尊王子弟大啟九國奄

有龜蒙為梁楚也

# 晉桐葉

## 衛梓材

史記曰唐叔虞者武王子成王與叔虞戲削桐

葉為珪以封叔虞史佚因言請擇日立叔虞成王曰與之戲耳史佚曰天子無戲言於是遂封叔虞於唐後為

晉故毛詩曰此晉也而謂之唐又曰衛康叔名封周武王同母弟也封為衛君居河淇間周公懼康叔齒少

乃申告康叔作梓材篇言為政之道如梓人理材焉

## 增狹小

## 並邊

山堂肆考曰漢景帝

二年諸王來朝有詔更前舞稱壽長沙定王但張袖小舉左右笑其拙上怪問之對曰臣國小地狹不足迴旋

帝乃以武陵零陵桂陽益焉

明紀事本末曰初明太祖建都金陵去邊塞六七千里故命並邊諸王得專制

國中擁三護衛重兵遣將徵諸路兵必闕白親王乃發

## 據名藩

## 擇形勝

弇山堂別

集曰明封秦晉諸王皆據名藩控要害以分制海內置相傳以下官屬與京師亞冕服則九旒九章車旗服飾

僅下天子一等天子之臣貴重至太師丞相公侯不得與諱分禮伏而拜謁續文獻通考曰高巍上言太祖

既定中國體三代之良法擇形勝之重地建封諸子陝

西百二山河其人驚悍故以藩王之長秦府王之山西

表裏山河地產良馬其人剛壯故以晉府王之燕國雖

無名山大川之限隔其南冀州真保大名所謂桑土之

野坦平肥沃供賦饒衍其北雖沙漠不毛然廣蓄馬羊

其人不耕不蠶弓馬是務遼金元藉之以興故以燕府

王之四川雖西南一隅山川阻深故以蜀府王之其餘

楚湘齊兗寧遼代谷慶肅星羅棋布比之古制分封過

當

# 優以大封

## 止食數縣

山堂肆考曰漢光武建武二十八年徙魯王興為北

海王以魯益東海帝以東海王彊去就有禮故優以大

封食二十九縣明帝永平中封王子恭等六人為王

帝親定其封域裁令半楚淮陽馬后曰諸子止食

數縣于制不已儉乎帝曰我子宜宜與先帝子等

清



漳名不稱

財賦地不封

太平御覽曰楊雄隋文帝族子也初封清漳王仁壽初文

帝曰清漳之名未允聲望命職方進地圖上指安德郡謂羣臣曰此號足為名德相稱於是改封安德王續

文獻通考曰明周王橚太祖第五子初封吳國錢塘已而上謂浙江財賦地不以封改開封國號周 弇山堂

別集曰明諸王所封之國獨河南山東山西湖廣陝西江西而已蜀僅有一王而他省不與焉 續文獻通考

曰寧王權太祖第十七子十四年封國大寧從成祖起兵靖難及成祖正大位因乞改南王初欲得蘇州帝曰

蘇州圻內不許又欲得杭州帝曰五弟初封錢塘為吳王皇考以為不可改開封建文封其弟允燾為吳王竟

不克享寧王後乞封南昌從之 以上載所封國

原共室 同輦

後漢書清河王慶傳

云帝初勅皇后令衣服與太子齊等太子特親愛入則共室出則同輦 漢書曰淮南厲王長高帝少子孝文

帝初即位自以最親驕蹇數不奉法上寬赦之  
三年入朝甚縱橫嘗從上入苑獵與上同輦

入宿

北宮

因留國邸

東觀漢記曰清河王慶永元四年移幸北宮章德殿誨白虎觀慶得入省

宿止

漢書宣元六王傳曰成帝無嗣體常不平定陶

共王來朝上謂共王曰我未有子人命不諱一旦有他

且不復相見爾長留侍我矣因

留國邸朝夕侍上甚見親重

禮如家人

爵比皇

子

漢書曰齊悼惠王孝惠二年入朝帝與齊王宴飲太

聚

御雲母輦

設鐘簏懸

傳暢晉公卿禮秩曰安平王孚假黃鉞前後羽葆建

九旒駕馬馬御雲母車

東觀漢記曰東海恭王彊兼

食二郡二十九縣租十倍諸王賞賜恩寵絕於倫比置

虎賁旄頭宮殿

設鐘簏之懸

增五王供帳

千鵠集庭

山堂肆考曰明皇置

五王帳為長枕大被與兄弟同寢朝罷多從諸王遊禁  
中拜跪如家人禮按諸王宋王成器申王成義岐王範  
薛王業幽王守禮後成器改名憲宋王改寧王 唐書  
曰帝於敦睦蓋天性然雖讒邪亂其間而卒無以搖時  
有鵲鴒千數集麟德殿廷樹翔棲浹日魏光 臨觀  
乘作頌以為天子友悌之祥帝喜亦為作頌

行幸

宋史曰真宗時寧王元偓首冠藩戚並自脩勵上  
每製篇什必令屬和一日謂宰臣曰朕每令宗子

作詩習射聞頗精習將臨觀焉因幸元偓邸第宴從官  
宮僚畢會試七言詩元偓奉觴上壽賜襲衣金帶器幣  
緡錢又與宗室射於西南亭日晡從官退上獨以  
中官從幸元偓元儼宮如家人禮夜二鼓而罷 小

輿入朝

劍履上殿

唐書曰唐襄邑恭王神符擢宗正  
卿以足不良歸第太宗就第慰問

又令乘小輿入紫微殿三衛士挾輿以升 宋史曰楚  
王元佐真宗兄也加太師尚書令兼中書令遂拜天策

上將軍興元牧賜劔履上殿詔書不名

偕長齡陪幼學

唐書曰明皇嘗以書賜寧

王憲等曰魏文帝詩西山一何高高高殊無極上有兩仙童不飲亦不食賜我一丸藥光耀有五色服之四五

日身體生毛翼朕每言服藥而求羽翼寧如兄弟天生之羽翼乎陳思王才足以經國絕其朝謁卒使憂死魏

祚未終司馬氏奪之豈神丸效耶頃因餘暇選仙錄得神方云餌之必壽今賜此藥願與兄弟共之偕至長齡

永永無極也宋史曰華陰郡王宗旦楚王元佐孫也年七歲如成人選為仁宗伴讀帝即位超遷為羣從所

詆上書言狀帝曰宗旦陪朕幼學勤勞居多此出朕意宜訴以常格

來朝侍宴寵

行制詩

通紀曰明文皇帝友爱諸弟每來朝侍宴於華蓋殿辭亦如之世子郡王則皇太子宴於文華

殿續文獻通考曰天順尊禮襄王瞻塏來朝上為峴山漢水賦襄陽四景歌以賜之以上並王親寵

原好書

樂善

並詳類聚

楚詩

沛易

漢書曰楚元王交字孝游高祖同父

少弟也

好書多材藝元王好讀詩諸子皆讀詩號曰元王詩續漢書曰沛獻王輔性務嚴矜有威好經書善

說京氏易

蟻封

象船

東觀漢記曰沛獻王輔善京氏易永平五年少雨上御靈臺自卦以

周易林占之其繇曰蟻封穴戶大雨將至上問輔輔曰塞艮下坎上為水山出雲雨蟻穴居其知雨將至下

詳類聚

食時

七步

漢書曰淮南王安始入朝為離騷傳朝受詔食時上劉義慶世說

曰魏文帝令東阿王七步成詩不成將行大法遂作詩曰煮豆燃豆其豆在釜中泣本是同根生相煎何太急

文帝大有慚色

對三雍

論五經

上詳類聚東觀漢記曰沛獻王輔性好經書論集

經傳圖讖作五經通論奉蕃以至沒遵履法度未嘗犯禁稱為賢王

北海善書

東平

工頌

後漢書曰北海敬王睦善大書當時以為楷則疾帝於馬上令作草書尺牘十首又曰東平王

蒼嘗上光武中興頌帝甚美之

錢謙助國

祖秩賑人

東觀漢記曰東海恭王疆

孫頌王肅性謙儉永初中以西羌未平上錢二十萬元初中上緡萬匹以助國費王隱晉書曰麻王攸國中

文武下至士卒法令不食廩賜者皆以秩賦與疾病死亡者時有水旱出租稅加十二賦以賑國人須豐年乃

收入

增懿矩

材略

初明皇以永王等尚幼詔不入謁壽王瑁七歲請與諸儿衆謝

拜舞有懿矩帝異之

建寧王倓英毅有材畧善騎射祿山亂典親兵扈車駕度渭百姓遮留太子倓力贊之

於是

才士

凌雲

唐書曰太宗嘗持魏王泰表語左右曰泰文辭可喜豈非才士我心

念泰無已時但為社稷計遣居外使兩相完也翰苑新書吳郡張融曰衡陽王飄飄有凌雲氣

無長

却譽

臣天中記曰霍王元軌唐高祖子也太宗嘗問羣

其能惟霍王數與臣言未嘗不自失上曰卿以為前代

誰比徵曰經學文雅亦漢之間平也後在徐州惟與處

士劉元平為布衣之交人或問元平王之長答曰無長

問者怪之元平曰夫人有短所以見其長至於霍王無

所不備吾何以稱之哉翰苑新書後

魏高陽王雍曰吾為諸王用聲譽何為

鳳尾山堂肆考曰後魏主容詔太子曰汝叔父勰清規

冲挹之性翰苑新書曰南齊江夏王鋒字宣穎高帝

子年四歲好學書倚欄為書書滿則洗之晨興不肯拂

窗塵而先畫塵上學為書五歲高帝使學鳳尾書一

學即工高帝大悅以玉麒麟賜之曰麒麟價鳳尾矣

草露布

議卜郊

太平御覽曰後魏彭城王勰字產和

屬文從征河北大破新野南陽高祖令颶為露布颶辭  
曰臣聞露布者布於四海露之耳目以臣小才豈足大  
用高祖曰但為之及就尤類帝文有不知者咸謂御筆  
高祖曰汝所為者人謂吾製非兄則弟誰能辨之宋  
史曰宗晟濮王允讓子也好古學藏書數萬卷仁宗嘉  
之並以國子監書治平中將郊而雨或議改祫享英宗  
訪諸宗晟對曰陛下初郊見上帝盛禮也宣宜改  
卜至誠感神在陛下精意而已帝嘉納及郊雨霽

好

# 吏職著政績

太平御覽曰宋彭城王義康性好吏職  
銳意文案紀別是非凡所陳奏入無不

可由是朝野輻輳勢傾天下義康亦自彊不息無有懈  
怠宋史曰嗣秀王伯圭字禹錫孝宗同母兄也孝宗  
受禪上皇詔除集英殿脩撰知台州伯圭在郡頗著政  
績改知明州海寇猖獗伯圭諭降其豪又擒其黨二人  
素號桀黠伯圭悉撫而用之賊黨遂散進一官在郡十  
年政寬和浚湖陂均水利辨冤獄嘗獲鑄錢者不忍置



諸法諭令易業  
民由是無再犯

### 輕騎度遼

### 單騎受降

唐書曰江夏王道宗年十

七從秦王討賊屢立大功太宗伐高麗先遣都督張儉  
輕騎度遼窺形勢儉畏不敢深入道宗請以百騎往帝  
許之約其還曰臣請二十日行留十日觀覽山川因旁  
南山入賊地相易險度營陣便處將還會高麗兵斷其  
路更走間道如期謁帝帝曰賁育之勇何以過建中  
初嗣曹王臯拜湖南觀察使前帥辛京果貪虐部將王  
國良戍武岡據縣反斂荆黔洪桂兵討之再歲不能下  
臯至遺書勸之降國良得書且喜且畏因請降然尚首  
鼠臯即日單騎稱使者造國良壘賊延使者入臯大呼  
其軍曰有識曹王者乎乃我也來受良降今安在一軍  
愕眙不敢動國良迎拜叩頭請罪臯執手約為昆弟  
則盡焚攻守具散其兵有詔赦之以上王之才能

### 原曲觀平臺

曹植娛賓賦曰感夏日之炎景今遊曲  
觀之清涼

漢書曰梁孝王廣睢陽城

七十里大脩宮室為複道自  
宮連屬於平臺四十餘里

蘭坂桂山

曹植詩曰  
明月澄清

景列宿正參差秋蘭被長坂朱華冒綠池

王逸劉安

招隱士詩序曰招隱士者淮南王之所作也

昔淮南王

博雅好古招懷天下俊偉之士八公之徒感慕其德而

歸其仁各竭才智著為篇章分造辭賦以類相從故或

稱小山或稱大山其義猶詩有小雅大雅詞

援巖

曰桂樹叢生兮山之幽偃蹇連拳子枝相樛

援巖

雁沼

西京雜記曰梁孝王好宮室苑囿之樂作曜華之  
宮營兔園園中有百室山山上有落猿巖雁池池

間有鶴洲鳬渚

檀欒竹

連拳桂

枚乘兔園賦曰脩  
竹檀欒而夾池兔

廣雅云沼池也

園梁孝王園也

玳瑁筵

琉璃盃

劉楨瓜賦序曰在  
曹植坐厨人進瓜

植命為賦促立成辭曰布象牙之席薰玳瑁之筵憑形

玉之兒酌縹碧之樽鮑昭淮南王宮使曲曰淮南王

好長生服食鍊氣讀仙經琉璃  
王益牙作盤金鼎玉七合神丹

### 宴平樂望高唐

初學

記曹植詩曰鬪鷄東郊道走馬長楸間觀者咸稱善衆  
工歸我妍歸來宴平樂美酒斗十千宋玉高唐賦曰

昔者楚襄王遊於雲夢之臺望高唐之觀

### 增居宮殿

### 處嫌疑

唐高祖令秦王居西

宮承乾殿齊王居武德殿與上臺東宮晝夜往來太  
宗勅魏王泰入居武德殿魏徵言王為陛下愛子欲安

全之不當使處嫌疑之地今武德殿在東宮  
之西願罷之成王以寵為懼之美帝悟乃止

### 五王宅

### 十王宅

初睿宗五子列第東都積善坊號五王子宅及賜第上都隆慶坊亦號五王宅明皇立盡

以隆慶舊邸為興慶宮而賜憲及薺王第於勝業坊申  
岐二王居安興坊環列宮側天子於宮西南置樓其西  
署曰花萼相輝之樓南曰勤政務本之樓開元後皇  
子幼多居禁內既長詔附苑城為大官分院而居號十

王宅以十舉全數也中人押之就夾城參天子起居家令每進膳引詞學士入授經書謂之侍讀

百

孫院 維城庫

唐書曰又諸孫多則於宅外更置百孫院天子歲幸華清宮入置十王百孫院

於宮側 禁中置維城庫以給諸王月俸諸孫納妃嫁女就十王宅太子不居東宮處乘輿所幸別院此承平

制 睦親宅 親賢第

翰苑新書宋仁宗謂輔臣曰宗室邸第散居京師燕集非便當

建大第以處之詔以玉清宮地為潞王等宅賜名睦親又秦悼惠王之第賜名廣親 宋史曰吳王顥英宗次

子也自熙寧以來顥屢請居外章上輒却至元祐初乃賜咸寧坊第一區榜曰親賢與弟顥對邸車駕偕三官

臨幸留宴終日拜太尉諸子皆命賜官制曰先皇帝篤兄弟之好以思勝義不許二叔出居於外蓋武王待周

公之意太皇太后嚴朝廷之禮以義制恩始從其請出就外宅得孔子遠其子之意二聖不同同歸於道皆可

以為萬世法朕奉侍兩宮按行新第顧瞻懷思潛然出涕王諸子性於忠孝漸於禮義自勝衣以上顧然皆有成人之風朕甚嘉之其各進一官

### 第宅豐大服膳異等

事詞類奇曰後魏清

河王懌親王中更有名行第宅豐大踰於高陽西北有樓出凌雲臺樓下有儒林館退賓堂土山釣臺冠於當世斜峯入牖曲沼環堂樹響飛嚶堦叢花藥唐書曰高宗即位詔魏王泰開府置僚屬車服膳羞異等

### 作假山

### 請脩府

宋史曰兗王元傑好學善為詞工草隸飛白建樓貯書二萬卷及為高樹

遊息之所常作假山既成置酒召僚屬觀之翊善姚坦獨頰首不視元傑強之坦曰但見血山安得假山言州縣鞭撻微民以取租稅假山實租稅所為耳續文獻通考曰崇王封汝寧嘉靖間乞脩府下巡撫議費銀八萬七千兩工部言親王脩府例役並湖複閣飛橋

複道

宋史曰孝宗嘗欲為嗣秀王廣其居並湖為複閣有司既度材矣伯圭固辭而止鄆王楷徽宗第

三子政和八年廷策進士唱名第一母王妃方有寵遂超拜太傅仍提舉皇城司出入禁省不復限朝暮於外

第作飛橋複道以通往

原忘憂觀思仙臺

西京雜記曰梁

孝王遊於忘憂觀集諸遊士各使為賦

葛洪神仙傳

日淮南王劉安好神仙黃白之事於是八公乃往迎之

登思

置館築宮

西京雜記曰河間王德築日華宮置客館二十餘區以待學士

仙臺

史

記曰燕昭王即位卑身厚禮以招賢者謂郭隗曰誠得賢士與共報先王之恥孤之願也隗曰王必欲求士請

以隗為始况賢於隗者豈遠千里哉

康衢碣石

史記

於是昭王為隗版築宮而師事之

日鄒奭齊諸鄒亦頗採鄒衍之術以紀文於是齊王嘉之自淳于髡以下皆命曰列大夫為開第康莊之衢天

下言齊能致天下賢士也

又曰鄒

賜田

置醴

宋玉

小言賦曰楚襄王既登陽雲之臺命諸大夫景差唐勒宋玉等並造大言賦卒而宋玉受賞又作小言賦王曰

善賜雲夢田

下詳類聚

娛賓敬客

上詳曲觀注

又曹植詩

疲清夜遊西園飛蓋相追隨

唐宋

應劉

宋玉大言賦曰楚襄王與唐勒景差宋玉遊於

陽雲之臺王曰能為大言者上坐

魏志曰應瑒劉楨等俱為五官中郎將文學咸善屬詩賦後瑒楨等卒文

帝與吳質書曰昔年疾疫親故多罹其災徐陳應劉一時俱逝

遊梁

趨燕

漢書曰

如會景帝不悅文士齊人鄒陽淮陰枚乘吳人嚴忌夫子之徒相如見而悅之因病免客遊梁得與諸侯遊士

居數歲乃著子虛賦史記曰燕昭王師事郭隗於是樂毅自魏往鄒衍自齊往劇辛自趙往是以士爭趨燕

# 先擁篲不及履

史記曰鄒衍如燕昭王擁篲先驅請列弟子之坐而受業碣石宮

葛洪神仙傳曰淮南王劉安好儒學兼該占候方術作內書言神仙黃白之事名鴻寶於是八公乃往八公初詣門鬚眉皓素門吏先客以聞安門吏自以意難問之言畢八公皆化咸十五童子雲髻色如桃花於是門吏驚竦以白王王聞之不及履即出迎之以登思仙之臺

## 曳長裾 飛廣袖

初學鄒

陽上吳王書曰臣聞蛟龍驤首奮翼則浮雲出流霧雨咸集聖人砥節脩德則游談之士歸義思名今臣盡智畢議易精極慮則無國而不可干節固陋之心則何王之門不可曳長裾乎西京雜記曰梁孝王遊忘憂之觀集諸遊士各使為賦鄒陽為酒賦曰哲王臨國綽矣多暇召繡繡之臣聚肅肅之賓錦綺為席屏璫為鎮曳長裾飛廣袖奮長纓英

## 增傾意賓客 賓接宮僚

太平



御覽曰齊竟陵王子良禮才好士居不疑之地傾意賓客天下才學皆遊集焉宋史曰並王顯賓接官僚歲

滿當去輒奏留久者至十餘年

### 文學著書佳賓滿席

唐書曰蘇勸魏王泰延

賓客著書於是引著作郎蕭德言祕書郎顧頴記室參軍蔣亞卿功曹參軍謝偃等撰括地志士有文學者多

與焉

天中記曰北魏清河王懌愛賓客重文藻至於

清晨明景騁望南臺芳醴盈壘佳賓滿席使梁王愧免

園之遊陳思

### 講道論文酌酒賦詩

續文獻通考曰明蜀獻王太祖

愍雀臺之燕

第十一子最有賢德沉志學問受命閔武於中都北至

首闕西堂以讀書自娛每暇即召儒士探討經史商榷

異同沉潛殆忘寢食時翰林編脩李叔荆掌中都國子

監事大被親寵每名蘇伯衡等與叔荆入西堂講道論

文無虛日唐書曰岐王範好學工書愛儒士無貴賤

為盡禮與閭朝隱劉延琦張諤鄭繇等善酌酒賦詩相

樂娛

與山人交 與布衣交

翰苑新書曰會稽孔珪家多梅山泉衡山王鈞往遊

之珪曰殿下處朱門遊紫闥而意在青雲 唐書曰鄧康王元裕好學善談名理與典籤盧照鄰為布衣交

以上王之好士

諸王三

原始封為王

史記云自漢帝子弟始封為王適子襲父位為王也

推恩分邑

史記

王子侯年表云制誥御史諸侯王或欲推恩分子弟邑者令各條上朕且臨定其號名

鎮天下

漢書云荆王劉賈高祖從父兄也不知其初起時漢王使賈將九江兵與太尉盧綰擊臨江王共尉尉死以臨江為南郡賈既有功而高祖子弱昆弟少又不賢欲王同姓以鎮天下乃下詔曰將軍劉賈有功及擇子弟可

以為王者羣臣皆曰立  
劉賈為荆王王淮東

設蕃屏

晉百官表注曰王者  
親建設蕃屏故封皇

子也

擬於天子

史記曰高祖時諸侯王皆自除  
吏漢獨為置丞相擬於天子也

位次

三公

漢官解詁云諸王  
在長安位次三公

金璽蓋綬

漢書百官公卿表  
云諸侯王高帝初

置金璽蓋綬  
掌治其國也

金璽朱綬

詳類聚

御史授璽綬

續漢書  
云拜諸

侯王之儀百官會  
位定御史授璽綬

尚書名尺一

摯虞決疑注云尚書  
名王公及位班王公

者皆用

賜策申戒

漢書齊懷王傳云齊懷王閔與燕  
王旦廣陵王胥同日立皆賜策各

尺一

以國土風俗申戒馬曰惟元狩六年四月乙巳皇帝使  
御史大夫張湯廟立子閔為齊王曰嗚呼小子閔受茲

青社承天序惟稽古建爾國  
家封於東土世為漢藩輔

保國又民

史記世家齊  
王策文云於

欽定四庫全書

卷六十

三

戲保國人民

可不慎與

齊拜三子

史記三王世家云齊王閔燕王旦廣陵王胥為諸侯王李

武同日

連城數十

素子云漢監秦之孤立於上封子弟或連城數十

封各

四縣

漢官解詁云光武封諸子各四縣

戶皆五萬

晉官品令云太康十年封皇子三人

為郡王皆

五萬戶

申以丹書之信重以白馬之盟

漢書皇子侯表尊王

子弟其誓曰使黃河如帶泰山如礪

鎮衛九服置兵三千

晉起居注武帝太始二年

詔曰列土樹藩鎮衛九服下詳封爵總裁

去丞相

史記曰諸侯王自吳楚反後盡為置二千

石去丞

為置吏

漢書百官公卿表景帝為諸侯王國置吏

皆以郡為國

魏志云明帝太和六年改封諸侯王皆以郡為國

改守為內史

王隱晉書云太始十年令

諸王國置相改太守為內史也

### 食租稅

諸侯王表云諸侯王自吳楚反後悉奪之權食租稅而已

### 不治民

諸侯王表云景帝時吳楚七國作亂景帝遂令諸侯王不復治民

### 仁惠謙

### 約

王隱晉書云齊王周字景治少仁惠謙約好賑施

### 剛毅慷慨

後漢四王傳齊武王縝字

伯升光武之長兄也性剛毅慷慨有大節自王莽篡漢帝憤憤懷復社稷之慮不事家人居業傾身破產交結

天下雄俊莽末盜賊羣起南方尤甚縝召諸豪傑計議曰王莽篡虐百姓分崩今枯旱連年兵革並起此亦天亡之時復高祖之業定萬世之秋也衆皆然之

### 雅有智慧

東觀漢記云東平王蒼少好經書雅

有智

### 雅性嚴恭

王隱晉書曰齊獻王攸少以英奇見稱長好經書雅性嚴恭按攸特為

文帝所寵愛每見攸輒撫牀呼其小字曰此桃符座也幾為太子者數矣

### 畏事慎法

後漢書云

清河王慶小心恭孝自以廢典尤畏事慎法每朝謁陵廟當夜分嚴裝衣冠待明約勅不得與諸王車騎並驅

**行德尚義**

王隱晉書武帝紀云永康元年秋八月朔詔曰淮南王允克行德尚義貞心云云

**夙夜滋恭**

東觀漢記云北海敬王睦時法網尚疎睦性好士夙夜滋恭通賓客以千里人民土

地財賄結獄由是宿德名儒造門者陸沉

**年少果銳**

晉書云楚隱王瑋字彥度武帝第五子也

武帝崩入為衛將軍領北中軍侯加侍中行太子少傅楊駿之誅也瑋屯司馬門瑋年少果銳多立威刑朝廷

忌之 **戚屬有名**

王隱晉書齊王冏傳云冏在戚屬中最有名

**中外所宗**

晉書

東海獻王越字元起有令名謙虛持布衣之操為中外所宗

**諸國儀表**

王隱晉書曰河間王

顯少有清名輕財愛士與諸王俱朝武帝歎顯可以為諸國儀表

**宗室儀表**

漢書云河間惠

王良脩獻王之行母太后薨服喪如禮哀帝下詔褒揚曰河間王良喪太后三年為宗室儀表其益封萬戶

聰敏畏慎

續漢書光武十三王傳云河間孝王開忠貞謹恭聰敏畏慎上以開小弟特親友愛

聰達恭謹

東觀漢記東海恭王彊傳云彊聰達恭謹兼食魯郡合二十九縣數上書讓東海又

因皇太子固辭上不許以章宣示公卿

送終竭哀

後漢書制詔大將軍大鴻臚曰東海王臻

以近藩之尊少襲王爵事親盡愛送終竭哀降儀從事寢宮三年和睦兄弟卹養孤弱至孝純脩仁義兼弘

哀毀過禮

晉書云齊獻王攸居文帝喪哀毀過禮杖而後起左右以糲米乾飯雜理中九進之

攸泣而不受太后自往勉諭曰若萬一加以他疾將復如何宜遠慮深計不可專守一志常遣人逼進飲食

受拜流涕

晉中興書戚蕃錄云武陵威王晞為桓溫所忌表晞廢王徙新安郡受拜流涕

重行喪制

後漢書東海恭王彊傳云永建二年封曾孫孝王璠二弟敏儉為鄉侯璠及弟蒸鄉侯儉

並有篤行母卒皆吐血毀瘠至服練緇兄弟追念初喪父幼小哀禮有闕因擬重行喪制

孝友篤

於骨肉

續漢書五王傳云北海敬王睦性孝友篤於骨肉

孝友甚得名稱

王隱

晉書下邳王傳云獻王晃字子明孝友恭順甚得名稱

覃思經典

魏志中山恭王袞傳云袞

少好學每兄弟遊娛袞獨覃思經典

敦尚經術

續漢書宗室四王傳云北海敬王睦敦尚經術

難問應聲而對

魏志鄧哀王冲

好學博通書傳

四王傳云北海敬王

睦少好學博通書傳光武愛之

善為文辭

漢書淮南王安傳云武帝方好藝文以安屬為諸父

辨博善為文辭甚尊重之

數上詩賦

續漢書云琅邪孝王京性恭孝好學數上詩賦頌德帝嘉



美

# 著文論

王隱晉書扶風武王駿傳云駿少好學能著文論樂晉書扶風武王駿幼聰慧年

五六歲能書疏誦經籍見者奇之及長清貞守道宗室之中最為雋望

## 為箴誅

晉書云齊王攸

為太子太傅獻箴與太子案箴畧云無曰父子不間昔有江充無曰至親匪貳或容潘崇諛言亂真譖潤離親驪姬之讒晉侯疑申固親以道勿固以恩脩身以敬勿託以尊自損者有餘自益者彌昏

## 講論

## 白虎殿

後漢書云陳敬王美博涉經書有威嚴與諸儒講論於白虎殿

## 屯兵雲龍門

王隱晉書云東安王繇美鬚髯性剛毅有威望博學多才事親孝居喪盡禮誅楊駿之際繇屯雲龍門兼統諸

軍

## 求絕常賜

晉書云齊獻王攸表祖秩足以自供求絕常賜表前後十餘上帝不許

## 數受賞賜

後漢書楚王英傳云自顯宗為太子時英常獨歸附太子太子特親愛之及即位數受賞

賜

好辟名士

王隱晉書云齊王攸好辟名士降身虛己待物以信

盡從傳相

漢定陶王入朝盡從傳相中尉時中山王亦來朝獨從傳上怪問定陶王王對曰令云諸侯王朝得從其國二

千石故盡從問中山王不能對

結民心

晉書云齊王攸在國仁化洽於萬物德意結於民心

傳後意

魏志鄧哀王傳云太祖數對羣臣稱述有欲傳後意及亡哀甚文帝寬喻太祖太祖曰此我之

不幸汝曹之幸也

輕財愛士

漢書云河間獻王好清尚有檢操輕財愛士

側身

下士

王隱晉書云長沙王入側身下士以要人譽

祖秩賑昆弟

後漢書云東海恭王

臻性敦厚有恩常分租秩賑給諸父昆弟

親待隆諸弟

魏畧云趙王幹一名良良本陳妾子

良生而陳氏死太祖令王夫人養之年五歲而太祖疾因遺令語太子言此兒三歲亡母五歲失父以累汝也

太子由是親侍隆於諸弟

**容貌美**

魏志云鄧哀王冲容貌姿美有殊於衆故特見寵異

形

**狀美**

晉書云成都王穎字章度形美而神昏不知書然器性敦厚委事盧志故得成其美焉

出

**則同車**

漢書文三王傳云梁孝王武入朝景帝使使持乘輿駟馬迎王於闕下既朝上疏因留以太后

故入則侍帝同輦出則同車遊獵上林中梁之侍中郎謁者著引籍出入天子殿門與漢宦官無異

輦

**迎答拜**

後漢東平王蒼既至升殿乃拜天子親答之其後諸王入宮輒以輦迎至省聞乃下蒼以受恩

過禮情志不寧上疏辭之

**高選參佐**

王隱晉書云梁王彤宣帝子高選參佐拜為大將軍領西

戎校尉

**自選長吏**

入齊獻王攸傳云詔議藩王令自選國內長吏攸奏諸選宜由天臺書三

上不報

**獨留京師**

東觀漢記中山簡王傳云焉以郭太后少子獨留京師

皆留

京師

後漢書云陳敬王羨建初三年有司奏遣羨與鉅鹿王恭樂城王黨俱就國肅宗性篤愛不忍與諸

王乖離遂皆留京師基年案輿地圖令諸國戶口皆等租入歲各八千萬

黃門侍疾

後漢東平

王蒼還國後疾病帝馳遣名醫小黃門侍疾使者冠蓋不絕於道

太醫侍疾

魏志云青龍三

年秋中山恭王袞得疾病詔遣太醫侍疾殿中虎賁齋手詔賜珍膳相屬

膏腴大國

漢書文三

王傳云梁孝王武最親有功人為大國居天下膏腴地

卑濕貧國

漢書景十三王傳云長沙

定王廢以母唐姬故程姬侍者景帝召程姬程姬有所避不願進而飾侍者唐兒使夜進上醉不知以為程姬而幸之遂有身已乃覺非程姬也及生子因名曰發以孝景前二年立以其母微無寵故王卑濕貧國

食租且餓

東觀漢記明帝紀二十八年

帛布單衣

漢書曰趙敬肅王彭祖每相二

千石至彭祖衣帛布單衣北堂書鈔

# 增備物典策

晉齊王攸出封事詳類聚

## 傳嫡

### 承襲

宋史曰神宗詔宣祖太祖太宗之子皆擇其後一人為宗世世封公以奉其祀不以服屬盡故殺其

恩禮太常禮院言本朝近制諸王之後皆用本宮最長一人封公繼襲今詔祖宗之子皆擇其後一人為宗世

世封公即與舊制有異按禮文諸王公侯伯子男皆子孫傳嫡者承襲合依禮令傳嫡承襲制曰可

## 扶

### 下諸王

太平御覽曰漢自王莽之亂國無制度皇太子與諸王同席尊卑無別是時上下莫之是正太

尉趙熹乃正色橫劔殿

### 出為刺史

唐書曰肅宗時太平公主干政宋王

階扶下諸王以明尊卑

成器等分典開廐禁兵姚崇與宋璟請

### 與親王等

山

主就東都出諸王為刺史以壹人心  
堂別集曰明太祖時皇姪文正以大都督總制南昌摧陳友諒後雖以驕奢致殞而念親念勛上實不忘故其

子守謙雖封郡王冠止七旒祿止二千石而特設內外丞奉長史等官宮城莊田宗社之類與親王等

**與諸王埒**

宋史曰德昭子惟吉太宗即位猶在禁中日侍食太平興國八年始出居遙封安定郡公

至道二年授閬州觀察使凡邸第供億車服賜予皆與諸王埒自餘王子不及也

**高他國一**

**階**

太平御覽曰宋建平宣簡王宏字休度文帝第七子也少而閑素篤好文籍太祖寵愛殊常為立第鷄籠

山盡山水之美建平國高他國一階

**授官俱一品**

弇山堂別集曰親王授官明初文正為同

僉書樞密院事特拜大都督秦王為宗人今晉王燕王為左右宗人正周王楚王為左右宗人俱正一品

**與宰相分班居右**

五代史曰後唐明宗時皇子秦王從榮加兼中書令有司言故事親王班

宰相下今秦王位高而班下不稱於是與宰相分班而居右

**詔宰相班親王上**

太宗

時元偃封廣平郡王與兄衛王德崇同日受封詔自今宰相宜班親王上宰相宋琪李昉請遵舊制不允琪等懇請久之上曰宰相之任實總百揆與羣司禮絕藩邨之設止奉朝請而已元佐等尚幼欲其知謙遜之道卿等無固讓也

### 安定世封

宋史曰熙寧中詔封楚康惠王之孫從式為安定郡王奉太祖祀紹

興元年詔曰太祖皇帝創業垂統德被萬世神宗詔封子孫一人為安定郡王世世勿絕今其封不舉朕甚憫之有司其上合封人名遵故事施行時燕秦二王後爭襲封禮部員外郎王居正上言燕王親太祖長子其後當襲封議遂定自紹興至嘉定襲封者十五人燕王德昭之後秦王德芳之後也

### 護衛罷革

續文獻通考曰明初封諸王皆置護衛有兵權自太宗靖難後皆罷革  
弁山堂別集曰天順後辟襄憲王屬尊且賢勅來朝特置護衛衛王時護衛不置久矣  
按宸濠請叛護衛叛滅以後護衛永不置

### 詔入

朝

山堂肆考曰魏明帝詔先帝著令不欲使諸王在京師者防微杜漸闕諸盛衰也朕惟不見諸王十有二

載

悠悠之懷能不興思其令諸王及宗室公侯各將嫡子一人來朝

宣

德初止許漢趙二郎入臨大行以後親王無入朝者

惟

襄憲王瞻塔為英宗叔父及後辟於宮中得王舊疏

上

大感悅特許入朝賜御書遣太監

夏

時齋奉勅符迎請再朝復如之

乘

驛問政詳類

密驛咨逮

唐書曰太宗時吳王元軌每朝數上疏陳得失多所裨正帝尊重之有大事當密驛

咨

逮帝崩與侍中劉蕡同知山陵事

元

軌練故事蕡賢嘆曰是非吾等及已

親

製詩金史

豫

王永成賢明有文章帝以永成誕日親為詩以賜

有

曰美譽自應輝玉牒忠誠不待啓金滕當世榮之

手調藥

宋史曰周王元儼仁宗親政益加尊寵凡有請報必手書謝讀既而元儼病甚上憂形於色親



至卧内手調藥屏人與語久之賜白金千兩固辭不受

家人禮

金史曰太祖即位後諸王薩拉噶

等奏事前跪上起泣止之曰今日成功時諸君協輔之力吾雖處大位未易改舊俗也凡臣下宴集太祖嘗赴之主人拜上亦答拜天

同堂燕

元史曰至大三年徹伯爾來歸宗親時會

楚王雅克呼都克進曰太祖皇帝削平四方惟南土未定世祖皇帝混一四海顧惟宗室諸王弗克同堂而燕今陛下洪福齊天巴圖罕之裔首已附順叛王徹伯爾舉族來歸人民境土悉為一家

執手嘉勞

秦王宗翰本名尼瑪哈勸太祖伐遼宗翰為元帥遂定遼太宗即位宗翰宗望又詣伐宋既克汴州宋降詔使昂就軍中勞賜宗翰宗望皆執其手以勞之

歸朝定策

金史曰史贊宗翰內能謀國外能謀

敵決策制勝有古名將之風甫釋干戈敘衽歸朝以定熙宗之位精誠之發孰可掩哉

諳練邊

務

績文獻通考曰明遼王植太祖第十子諳練邊務屢樹奇功後改封荆

莅事精簡

史遼

曰耶律厚太宗時為南院大王莅事精簡人不敢以年少易之

儀刑匡輔

太平御覽曰後魏東

平王匡字建扶性耿介有氣節高祖器之謂曰叔父必能儀刑社稷匡輔朕躬

引古制今

史金

曰太宗詔議制度禮樂往往因仍遼舊鉅鹿郡王宗憲曰方今奄有遼宋當遠引前古因時制宜成一王之法

何乃近取遼

明德屬尊

太平御覽曰晉安平王孚武

人制度哉

化為羣后作則遂脩置官屬焉

闔門謝事

宋史曰仁宗冲年即位章獻太后臨朝周王元儼自

以屬尊望重恐為太后所忌深自沉晦因闔門謝絕人事故謬語佯狂不復預朝謁

北海畏慎

山堂肆考曰東漢北海王睦少好學光武明帝皆愛之嘗遣中大夫詣京師朝賀召謂之曰朝廷若問寡人大

夫將何以對使者曰王忠孝仁慈敬賢樂士臣敢不以實對睦曰子危我哉大夫具言孤襲爵以來志意衰惰

聲色是娛犬馬是好乃為相愛耳其志慮畏慎如此

**安平履冰**

太平御覽曰安平獻王孚位極

人臣享年九十然而夙夜滋恭恒有履冰之懼

**不以近屬自居**

嗣秀王伯圭性謙謹不以

近屬自居每日見行家人禮雖宴私隆洽執臣節愈恭

**不對龍潛時事**

宋史曰一日孝

宗問龍潛時事伯圭辭曰臣老矣不復能記憶問至再三終不言帝笑曰何太謹也並愛重之

**天性**

**賢者**

金太祖諸孫中惟胙王元天性賢者也死海陵之

人如何平章政事襄參政宗浩對曰為人清廉幹治上曰乃父亦然

**樂善居士**

金史曰豫王永

成丰姿奇偉博學善屬文世宗尤愛重之自幼喜讀書晚年所學益醇每暇日引文士相切劘自號樂善居士

有文集

行於世 不建假節

唐書曰：穎王璲喜讀書，好文辭，安祿山反，詔領劍南節度使，以出遷。

不及受節司馬史賁請建大梁蒙油囊先驅以威道，璲笑曰：「既為真王矣，安用假節為？」

不言宮

禁

宋史曰：允成子宗保出後，昭成太子為孫宗保生二歲，抱以入見。章獻后后留與處，宗保七歲授左侍禁。

帝親為巾其首，久之歸本宮。性仁恕，主藏吏盜米至千斛，貫不問。嘗書忍字於座右，以為戒。及卒，神宗臨奠，其

子仲鞠泣曰：「先臣幼養宮中，終身不自言。」

忠孝為藩

帝感悼，優贈靖難軍節度使、新平郡王。

明蜀獻王椿嘗揭忠孝為藩四大字，以自警。遼王植撰忠孝為藩詩。

孝友小心

續文獻通

考曰：楚王孟悅天性孝友，小心畏義，以故靖難初不被譴責。所著樂善堂記求放心論，無妄齋說等篇，以自省。

覽 毀藩三年 太平御覽曰：後魏彭城王勰生而母潘氏卒，及有所知求服喪，文明太后不許。

乃毀瘠三年  
不參吉慶

**疏布終身**

唐書曰魏徵嘗言霍王元軌孝行曾聞不能過帝由是遇

並厚及高祖崩去官毀瘠甚服除遂  
疏食布衣終身至忘日輒累晝不食

**晝夜哀號**

宋史曰德

昭子惟吉字國祥生甫彌月太祖命輦至內廷擇二女  
嫗養視之三歲作弱弓輕矢植金錢為的俾之戲射十

發八中帝甚奇之常乘小乘輿及小鞍馬命黃門擁抱  
出入常侍太祖崩惟吉纔六歲晝夜哀號孝章皇后慰諭

再三始  
進饘粥

**偃廬柴毀**

唐書曰膠東郡王道彥幼孝謹貞  
觀初為相州都督以父喪解荷土

就墳躬蒔松柏偃廬柴毀  
雖親友不復識太宗嘉歎

**誦蓼莪必涕泗**

惟吉性至  
孝孝章皇

后撫養備至親為御沐咸平初以太祖孝章畫像服玩  
器用賜惟吉歲時奠享哀慕甚至每誦詩至蓼莪篇涕

泗交下宗室  
推其賢孝

**語平生輒掩泣**

宋史曰東陽郡王宗悌  
所生母早世宗悌不識

也聞父婢語平生軌掩泣繼

懼憂其母

唐書曰嗣曹王臯事母鄭

太妃以孝聞安祿山反奉母逃民間走蜀謁明皇後為

衡州刺史為觀察使謫劾貶潮州會楊炎為宰相知臯

直復用為衡州刺史初御史覆訊臯懼憂其母出則因

服入則衣冠言貌如常及為潮以遷入告至是復位乃

言其實  
憂念不食  
周恭肅王元儼事母王德妃孝妃每

憂念不食  
有疾躬侍藥晨夕盥潔焚香以禱至

不食  
不忍為人後  
秉城郡王宗祐亦濮王子嘉祐中

宗祐為後泣曰臣不幸幼失怙恃終身悲  
慕忍為人後乎敢以死請仁宗憐而從之  
喪禮  
宋史曰吳王顥初居英宗喪乞解官終制以歷於  
至尊不克遂服慈聖光獻太后之服易月當除顥

請如心

十行俱下

北齊河

曰身為孫而情文缺然若是可乎  
請如心喪禮須上禪除即吉詔可

瑜讀書十行俱下  
覆碁不失一道

# 一覽便誦

衡陽王昌武帝子也性聰辨明習故事帝遣吳

郡杜偉之授昌經  
昌讀一覽即誦

# 閉閣讀書

霍王元軌少多才藝為徐州刺史唯閉閣讀書

吏事責成  
長史司馬

# 采錄規諫

翰苑新書曰宋神武大將軍宗諤上治原十五卷上曰宗諤采

錄祖宗所行善事而為是書  
意存規諫亦宗室之良也

# 諫表詩文甚有典則

金源

郡王勗好學問天會六年詔求訪祖宗遺事以備國史  
命勗與耶律廸越掌之勗等採摭遺言舊事自始祖以  
下十帝綜為三十卷上之熙宗親射虎獲之勗獻東狩  
射虎賦上悅能以本國字為詩文大定間詔曰太師勗  
諫表詩文甚有典則朕自即位以來未嘗見其諫  
表可入實錄其射虎賦詩文篇什可鏤版行之

焚

# 香奩茗劇談古今

金史曰密國公璿字仲實越王永功  
子也資質簡重博學有俊才喜為詩

工真草書奉朝請四十年日以誦誦吟詠初宣宗南遷諸王宗室顛沛奔走琦乃盡載其家法書名畫一帙不遺居汴中家人口多俸入少客至質不能具酒散蔬飯共食焚香煮茗盡出藏書談大定明昌以來故事終日不聽客去樂而不厭也

### 安城撰述

翰苑新書曰安城王秀精意學術招學士劉孝標使撰類

苑書未及畢而已行於世

### 寧王審音

唐書曰明皇時涼州獻新曲帝御便坐召諸王觀之寧王

憲言曲雖佳然宮離而不屬商亂而暴君卑逼下臣僭犯上發於忽微形於音聲播之詠歌見於人事臣恐一

日有播遷之禍帝默然及安史亂世乃思憲審音云

### 鄱桂

翰苑新書曰鄱陽王鏐皆齊高

帝子鏐好文章鏐好名理人稱為鄱桂

### 紀越

太平御覽曰紀王慎少好學善星步與越王齊名世

號紀越皆唐太宗子

### 聞笛音

唐中山王瑀寧王憲次子為特進太常卿知音嘗早朝過永興里聞



笛音顧左右曰是太常樂工乎曰然他日識之曰何故卧吹笛工驚謝

奏琵琶

唐書曰又聞康

崑崙奏琵琶曰琵琶聲多琵琶聲少是未可彈五十四絲大絃也樂家以自下逆鼓曰琵琶自上順鼓曰琵琶云

行履有類寒素

翰苑新書曰齊始興王鑑性甚清為湓州刺史在郡積年未嘗有所營造資用

一歲不滿三萬王儉嘗歎云始興王雖尊貴而行履有類寒素

居室不庇風雨

嗣吳王獻

代宗時為宗正卿檢校刑部尚書性介直面刺人短歷官清白居室不能庇風雨

推讓天下

唐書曰明皇以寧王憲實推讓天下有高世之行非大號不稱乃追謚讓皇帝

復歸藩邸

元史

曰晉王噶瑪拉裕宗長子曰侍世祖未嘗離左右畏慎不妄言言必無隱至元中奉旨鎮北邊及世祖崩晉王

聞計奔赴上都諸王大臣咸在晉王曰昔皇祖命我鎮撫北方以衛社稷久歷邊事願服厥職毋弟特穆爾仁

欽定四庫全書

御定四庫全書

卷六十

四十八

孝宜嗣大統於是成宗即帝位而晉王復歸

姿貌魁

藩邸王天性仁厚御下有恩為朝廷所重

壯

太平御覽曰後魏永昌王健姿貌魁壯善弓馬通兵法所征戰常有大功

眉宇秀整

唐書

曰汝陽王璿寧王憲子也眉宇秀整性謹潔善射帝愛之歷太僕卿與賀知章褚庭誨梁涉等善

武

藝英姿

翰苑新書曰北齊文襄諸子咸有風骨雖文雅之道有謝問平然武藝英姿多堪禦侮

廣顙豐頤

宋史曰周恭肅王元儼廣顙豐頤嚴毅不可犯平生寡嗜欲唯喜聚書頗善二王書飛白

進止恂雅

金史曰鉅鹿郡王宗憲年十六選入學太宗幸學宗憲與諸生俱謁宗憲進止恂雅

太宗召至前令誦所習語音清亮善應對上嗟賞久之

眉目秀聳

續文獻通考曰明晉王桐

太祖第三子王聰明英銳眉目秀聳美鬚髯顧盼有威容嘗學文於學士宋濂學書於錄事杜環

呼

名止帝

翰苑新書曰宋燕王有盛名於天下中外皆以八王呼之幽燕間呼之以止兒童之帝

分朋角勝

山堂肆考曰唐高宗上元元年上御翔鸞閣觀大酺分音樂為東西朋使雍王賢主東朋

周王顯主西朋角勝為樂郝處俊諫曰二王春秋尚少志趣未定當推梨讓棗相親如一今分朋遞相誇競非所以崇禮義勸敦睦也上瞿然曰

帆檣鵲巢

太平御覽曰吳

南陽王和被遣長沙行過蕪湖有鵲巢於帆檣官僚皆憂慘以為檣非久安之象或言鵲巢之詩有積行累功

以致爵位之言今王至德茂行當

城門酹輜

唐書曰建寧王

復國儻神靈以此告寤人意乎

侯為張良娣譖死及代宗立詔以侯當艱難時首定大謀於中興有功進謚承天皇帝遣使迎喪彭原至城門

喪輜不動帝謂李泌曰豈有恨邪卿往祭之以白朕意且卿及知侯艱難定策者泌為挽詞二解追述侯志命

欽定四庫全書

特定淵鑑類函

卷六十

四十九

挽士唱沁因進酌輶  
乃行觀者皆為垂泣

原大脩宮室

東觀漢記曰濟南安王康多殖財貨

大脩宮室起內第奴婢至千四百人廐馬千二百匹私田八百頃奢侈恣德遊觀無節

雅好宮

室

入琅邪孝王京傳云光烈皇后崩帝悉以太后遺金寶賜京京好脩宮室窮極伎巧殿館辟帶皆飾以金

銀

侈府第

王隱晉書曰齊王攸子玚耽酒色侈其府第案玚性強暴使酒數凌侮弟周周以兄

故容之周起義兵趙王倫收玚及弟北海王寶繫廷尉當誅

開東第

晉會稽王道子寵嬖人趙

牙牙為道子開東第築山穿池列樹竹木功用鉅萬

好氣力

漢書江都易王非傳云非好氣力治

宮館招四方豪傑驕奢特甚

好狗馬

詳類聚

好射獵

漢書燕刺王旦壯大就國

為人辯畧博學好經書雜說星厯數術倡優射獵之事

好逸遊

漢書武五王傳云廣陵王胥壯

大好倡樂逸遊力扛鼎空手搏熊羆  
猛獸動作無法度故終不得為漢嗣

**好聲色**

後漢任城貞王

安傳云安性輕易好聲色

**好為吏**

漢書景十三王傳云趙敬肅王彭祖不好治官室襍祥好為吏

師古曰襍鬼俗也字或作畿淮南子曰  
荆人鬼越人畿襍祥總謂鬼神之事也

**好遊俠**

後漢書曰

楚王英少時好遊俠通賓客晚節喜黃老學為浮屠齋戒祭祀

**距諫飾非**

漢書云膠西王端疆

足以距諫智足以飾非

**通姦犯法**

漢書宣元六王傳云東平思王宇甘露二年立元帝即位

就國壯大通姦犯法

**巧佞卑諂**

漢書景十三王傳云趙敬肅王彭祖為人巧佞卑諂足恭

**奢泰驕佚**

東觀漢記云阜陵質王延在國奢泰驕佚云

**傲狠不法**

後漢書云河間

孝王開薨子忠王政嗣政傲狠不奉法憲

**驕淫犯禁**

漢書云常山憲王舜以孝景中五年立舜

帝少子驕淫數犯禁上常寬之

**私聘小妻**

後漢宗室五王傳云趙王良元孫乾居父喪私聘小

妻又白衣步出司馬門坐削中丘縣

**好內多子**

漢書景帝十三王傳云中山靖王勝為人樂酒

好內有子百二十餘人

**作圖讖**

後漢書云永平中有司奏焚王英招聚奸猾造作圖讖擅相官

秩置諸王公將軍二千石大逆不道請誅之帝以親親不忍乃廢英徙丹陽涇縣

**使祝詛**

漢書

廣陵王胥傳云昭帝時胥見上少年無子有覲欲心而楚地巫鬼胥迎女巫巫李女湏使下神祝詛昌邑王廢女

湏等數賜予錢物宣帝即位胥曰太子孫何以反得立復令女湏祝詛如前

**作節綬**

漢書景十

三王傳云江都王建作漢使節二十綬千餘

**建鼓車**

漢書曰燕刺王旦建旌旗鼓車旄頭先啟

**刻皇帝璽鑄將軍印**

漢書江都王建傳云建自知罪多恐誅與其后成光共使越婢

下神祝詛作治黃屋蓋  
刻皇帝璽鑄將軍印

### 環城過市入獄視囚

漢書景十三王

傳云常山憲王舜亮太子勃嗣勃私姦飲酒博戲擊筑與女子載馳環城過市入獄視囚天子遣大行張騫驗問逮諸證者王又匿之吏求捕勃使人毆擊笞掠擅出漢所疑囚有司請誅勃上曰勃無良師傅不忍致誅有司請廢勿王徙王勃以家屬處房陵上許之

### 詔削四縣

漢書云濟北王子思王終古使所愛

奴與八子及諸御婢姦終古輒或參預被席云云

### 貶食一縣

後漢書千乘貞王伉傳云渤海

王惺謀為不道有司請廢之帝不忍乃貶為嬰陶王食一縣惺伉之曾孫也

### 入朝墮馬

漢書

文三王傳云梁懷王揖文帝少子也好詩書帝愛之異於他子五年一朝凡再入朝因墮馬死

### 上車

### 折軸

漢書景十三王傳云臨江閔王榮三歲坐侵廟塽地為宮上徵榮榮行祖於江陵北門既上車軸折

車廢江陵父老流涕  
竊言曰吾王不反矣

廢為庶人

又文三王傳云梁共  
王買立十一年薨子

平王襄嗣濟川王明以桓邑侯立七年生射故其  
中尉有司請誅武帝勿忍廢為庶人徙房陵國除

葬

以民禮

史記趙王友傳云王以諸呂女為妃又愛他姬  
諸呂女妒讒於太后誣以罪過召趙王至置令

衛守之弗與食幽  
死以民禮葬之

不食而死

漢三王傳云淮南厲王  
被廢謂侍者曰誰謂乃

公勇者吾以驕不聞過  
故至此乃不食而死

以綬自絞

漢書武五王傳云  
燕刺王旦武帝崩

太子立是為孝昭帝賜諸  
侯王書旦得書以綬自絞

髮紛紛骨籍籍

漢書燕刺  
王旦傳云

左將軍上官桀等專為燕王謀反皆伏誅旦聞之自歌  
曰歸空城兮狗不吠鷄不鳴橫術何廣廣兮固知國中  
之無人華容夫人起舞曰髮紛紛兮真渠骨籍籍兮亡  
居母求死子兮妻求死夫徘徊兩渠間兮君子獨安居



# 增留侍

明紀事本末曰漢王高煦改封青州奏願常侍左右不欲之國成祖賜勅曰既受藩封豈

可常在侍下前封雲南憚遠不行與爾青州今又托故如果誠心留侍去年在此何以故欲南還留侍之言殆

非實意青州之命更不可辭

## 專殺

唐書曰長樂郡王幼良天資暴急高祖數曉勅不悛有盜其馬

者輒殺之帝怒曰盜信有罪王而專殺可乎召宗室即朝堂杖之百

## 鷹視

五代史曰後唐明宗子從

榮於諸皇子最長又握兵柄然其為人輕雋而鷹視頗喜儒學為歌詩多招文學之士賦詩飲酒故後生浮薄

之徒日逞諛佞以驕其心

## 狙詐

明紀事本末曰漢王高煦狙詐多智以材武自負英武頗類上兩腋

若龍鱗者數片自請天策衛為護衛曰唐太宗天策上將吾英武豈不類世民乎

## 酣寢

宋史曰華

原郡王允良仕至太保中書令好酣寢以日為夜由是一宮之人皆晝寢夕興及曉有司以其反易晦明謚曰

欽定四庫全書

卷六十

榮

庸迷

唐書曰江安王元祥性庸迷所至營財產無厭時滕蔣號三王皆貪暴得其府官者惡之

不願行時語曰寧向儋崖振白不事江滕蔣號

舉孝行

明紀事本末曰寧王宸濠居喪矯情飾禮

令南昌生徒保舉孝行扶孫燧并巡按御史王金奏其事武宗見奏驚曰百官賢當陞寧王賢欲何為且將置

我何地邪

盜美名

道古嗣曹王臯子也巧於宦使佞傾下遊公卿間常與奕博倘不勝厚進所償

嗜利者多得其歡心故少盜美名

蒙虎怖官屬

號莊王秀成喜畋遊遇官屬尤慢使奴蒙

虎皮怖其參軍陸英俊幾死因大笑為樂

彈人觀走避

唐書曰滕王元嬰驕縱失度在太宗

喪集官屬燕飲歌舞狎昵廝養巡省部內從民借狗求置所過為害以九彈人觀其走避以為樂

漆

皮為船

明紀事本末曰高煦私造兵器及漆皮為船教習水戰上知之乃褫其衣冠繫之西華門內皇

太子力為營救乃削  
護衛遷山東樂安州

宮奴擊刺

齊王元吉猜驚好兵  
常令宮奴等數百人

被甲習戰相擊

手搥泰山

齊王祐狎昵劍客燕弘亮  
等發兵反引騎徇邑聚野

刺死傷甚衆

人高君狀曰上親平寇難土地甲兵不勝計今王以數  
千人為亂猶一手搥泰山又如君父何祐愧其言不能

殺

意闕江左

唐書曰永王璘少失母肅宗自養視之  
既封領荊州大都督安祿山反詔趣赴

鎮璘至江陵時江淮祖賦鉅億萬所在山委璘生宮中  
於事不通曉見富且強遂有闕江左意會吳郡採訪使

李希言平牒璘怒曰寡人上皇子皇帝弟地尊禮絕  
今希言乃平牒抗威落筆署字何邪乃遂舉兵反後兵

敗為皇甫  
僖所殺

天下大元帥

五代史曰後唐潞王從榮加  
天下兵馬大元帥有司言元

帥或統諸道或專一面自前世無天下大元帥之名其  
禮無所考請自節度使以下凡領兵職者皆具橐鞬以

欽定四庫全書

修文淵閣書目

卷六十

五十三

軍禮庭參其兼同中書門下平章事初見亦如之從榮  
大宴元帥府又請嚴衛捧聖千人為牙兵每入朝先後  
張弓挾矢馳走道上見者震懾大臣見從榮  
權位日隆而輕脫如此皆知其禍而莫敢言  
神呼老

天子

明紀事本末曰慶府安化王寔錡素有逆謀與寧  
夏衛生員孫景文孟彬往來甚密現王九兒降鸚

鵝神每見寔錡輒呼老  
天子寔錡益懷不軌

給麻二車

勝王元嬰及蔣王  
皆貪黷帝常賜諸

王綵五伯下書曰滕叔蔣弟不須  
賜給麻二車助為錢絡二王大慙

賜絹二百

隴西恭  
王博入

驕奢不循法度伎妾數百曳羅紈甘梁肉放於聲樂以  
自娛其弟奉慈亦荒縱皆為帝所鄙高宗各賜市書絹  
二百疋以愧其  
心然不自克也  
丹青飾成慶  
玉帛禮專諸  
唐書曰  
齊王元

吉多匿亡命壯士厚賜之使為用記室參軍  
榮九思為詩刺之云云元吉見之弗悟也

事須有

實

明紀事本末曰宣宗親征擒高煦還駐蹕獻縣之單橋戶部尚書陳山迎駕言宜乘勝移師向彰德襲執

趙王則朝廷永安矣上召楊榮蹇義夏原吉以山言諭之皆不敢異議楊榮請先勅趙王詰其與高煦連謀之

罪而六師奄至可擒也從之令楊士奇草詔士奇曰事須有實天地鬼神其可欺乎且勅旨以何為辭榮厲聲

曰此國家大事庸可沮乎令錦衣衛責所繫漢府人狀云與趙連謀即事之因何患無辭士奇曰錦衣衛責狀

何以服人心士奇因往見蹇義夏原吉義原吉曰上意已定何能中沮且即如公言今若何士奇曰為今之計

朝廷重尊屬厚待之有疑則嚴防之亦必無虞而於國體亦正矣義原吉曰公言固當然上特信楊榮言不係

吾二人可否也士奇退謂榮曰太宗皇帝惟三子今上親叔二人一人有罪者不可恕其無罪者當厚之庶幾

仰慰皇祖在天之靈榮不肯時楊溥亦與士奇意合溥曰吾二人請入見上言兵必不可移榮聞溥言即趨入

見溥士奇亦踵其後而門者止二人不得入已有旨召蹇義夏原吉義以士奇言白上不憚然亦不復言移兵矣

### 思保全之

言者猶喋喋請盡削護衛且請拘趙王

京師上皆不聽乃召士奇諭曰言者論趙王益多如何對曰今日宗室惟趙王最親當思保全之母惑羣言上曰吾亦思之皇考於趙王最友愛且吾今惟一叔奈何不愛然當思所以保全之道乃封羣臣言章遣駙馬都尉廣平侯袁容左都御史劉觀齋以示之使自處士奇曰更得璽書親諭之尤善上從之容等至趙王大喜曰吾生矣即獻護衛且上表謝恩而言者始息

### 諸王四

原詩宋劉孝義行過康王故第苑詩曰入梁逢故苑度

薛見餘宮尚識招賢閣猶懷愛士風光靈一超遠衡館  
亦蒙龍洞門餘舊邑甘棠留故叢送禽悲不去過客慕  
難窮池竹徒如在林臺暖已空遠橋隔樹出迴澗隱崖  
通芳流小山桂塵起大王風具物咸如此是地感余衷  
隋薛昉巢王座分韻得餘字詩曰平臺愛賓友逢掖  
齒簪裾藉卉懷春暮開襟近夏初嫩枝猶露鳥細藻欲  
藏魚舞袖臨飛閣歌聲出綺疏莫慮歸衢晚馳輪待興  
餘于仲文答譙王詩曰梧臺開廣宴竹苑列英賢景

差方入楚樂毅始遊燕折角揮談柄重席吐言泉武騎

初搞翰文學正題鞭玉徽調綠綺辟散沈青田晚霞澹

遠岫落景藻長川未陪東閣賞獨詠西園篇 唐褚亮

和望月應魏王教詩曰層軒澄皎月流照滿中天色共

梁珠遠光隨趙璧圓落影臨秋扇虛輪入夜筵所欣東

館裏預奉西園篇 李敬元奉和別魯王詩曰綠車旋

楚服丹蹕佇秦川珠臯轉歸騎金岸引行旃一朝限原

隰千里間風煙鷺喧上林谷鳬響御溝泉斷雲移魯蓋



離歌動舜絃別念凝神宸崇恩洽玳筵顧惟慙叩寂徒  
自仰鈞天 又奉和別越王詩曰飛蓋迴蘭坂宸襟佇  
栢梁別館分涇渭歸路指衡漳關山通曙色林籞遍春  
光帝念紆千里詞波照五潢 楊思元奉和別魯王詩  
曰元王詩傳博文后寵靈優竊蓋動宸眷龍章送遠遊  
函關疎別道灞岸引行舟北林分苑樹東流溢御溝鳥  
聲含羽碎騎影曳花浮聖澤九垓普天文七曜周方圖  
獻雅樂簪帶奉鳴球 張大安奉和越王詩曰盛藩資

右戚連萼重皇情離襟愴睢苑分途指鄴城麗日開芳  
甸佳氣積神京何時驂駕入還見謁承明 劉禕之奉  
和別越王詩曰周屏辭金殿梁驂整玉珂管聲依折柳  
琴韻動流波竊蓋分陰促龍軒別念多延襟小山路還  
起大風歌 增唐杜甫贈汝陽王璣詩曰特進羣公表  
天人夙德升霜蹄千里駿風翻九霄鵬服禮求毫髮推  
忠忘寢興聖情常有眷朝退若無憑仙醴來浮蟻奇毛  
或賜鷹清闕座不雜中使日相乘晚節嬉遊簡平居孝

義稱自多親棣萼誰敢問山陵學業醇儒富辭華哲匠  
能筆飛鸞聳立章罷鳳騫騰精理通談笑忘形向友朋  
寸長堪繾綣一諾豈驕矜已忝歸曹植何知對李膺招  
要恩屢至崇重力難勝披霧初歡夕高秋爽氣澄樽罍  
臨極浦鳬雁宿張燈花月窮遊宴炎天避鬱蒸硯寒金  
井水簷動玉壺冰瓢飲惟三徑巖棲在百層謬持蠱測  
海况挹酒如澠鴻寶寧全秘丹梯庶可陵淮王門有客  
終不愧孫登又寄漢中王詩曰西漢親王子成都老

客星百年雙白鬢一別五秋螢忍斷杯中物祇看座右  
銘不能隨皂蓋自醉逐浮萍其二曰羣盜無歸路衰年  
會遠方尚憐詩警策猶記酒顛狂魯衛彌尊重徐陳畧  
喪亡空餘枚叟在應念早升堂 又絕句曰雲裏不聞  
雙雁過掌中貪看一珠新秋風嫋嫋吹江漢只在他鄉  
何處人其二曰謝安舟楫風還起梁苑池臺雪欲飛香  
杏東山攜漢妓泠泠脩竹待王歸 又滕王亭子詩曰  
君王臺榭枕巴山萬丈丹梯尚可攀春日鶯啼脩竹裏

仙家犬吠白雲間清江錦石傷心麗嫩蕊濃花滿目斑  
人到於今歌出牧來遊此地不知還

增制唐蘓頌封衡陽郡王成義為申王等制曰門下古  
者帝王受命以臨萬國子弟建封用尊五等其所由來  
尚矣尚書右衛大將軍衡陽郡王成義等敦詩執禮本  
仁祖義名教之樂得自幾深溫良之容發於忠孝晨趨  
魏闕則望掩軒霞夕賦曹園則思含澄景朕祇奉厯數  
旁稽載籍克輔王室所謂通邑大都俾為唐藩故能帶

河礪岳分膺往命咨爾眷與可依前件仍各實封一千

戶餘並如故主者施行 又上官儀冊號王鳳為青州

刺史文曰翦商胙邑寵秩盛於隆周懲秦錫社徽名宗

於有漢況乎爵窮五等榮總六條乃茂德之攸升固非

賢之罕擇泌州刺史上柱國號王鳳履局端嚴襟神秀

整道光懿戚望重宗維恭慎之心符小言而緝譽虛凝

之度包大雅而揚聲體備剛柔藝殫文武騰芳桂嶽動

貞韻而鏘金寫照荷池嚮清文而振玉若廼溜源迴跨

岱址斜臨人被萊風俗兼齊舊布中和之化申簡惠之  
風觀政所先建邦斯在是用命王使持節青州諸軍事  
青州刺史勲封如故往欽哉王其克邁十倫稽往賢之  
峻躅勤宣九德蹈前哲之英規絕浮競之津廣真淳之  
路光昭淑問可不慎歟 又陸扆封棣王虔王沂王遂  
王制曰門下我國家奄宅中區光啟祖業析珪胙土惟  
親與賢故本根茂而枝葉榮王室尊而藩屏壯肆予眇  
末叨獲纂承爰稽典謨用建邦土第三男昶星辰毓瑞

岳瀆降靈早彰岐嶷之姿克稟徇齊之度第五男禊龜  
龍應瑞鵬鶚凌空溫恭自得於天和穎悟實由於神賦  
第六男禋瑯琳挺秀鸞鷟呈祥爰當好弄之年雅號夙  
成之器第七男禕珠璣耀彩箇簏含貞風神潛茂於端  
莊質性已彰於惠敏而皆生知孝敬志樂文儒問安靡  
曠於晨昏稟訓每由於詩禮智有刻舟之妙辯多對日  
之奇是宜分以白茅錫其朱邸叶犬牙於漢制光麟趾  
於周詩厭次名邦境連於齊魯南康粵壤上接於荆吳



琅邪廓儒素之風遂寧實阜殷之俗咸稱重地各服徽  
章於戲器以琢成道由學顯勉稟君親之教敬承友傳  
之規勿追平樂之歡無好任城之勇懋建厥德永享於  
休

增手詔金章宗賜豫王永成手詔曰卿親實肺腑夙著  
忠純侍顯考於春宮曲盡友于之愛洎冲人之繼統愈  
明忠赤之心艱難之中多所裨益朕心簡在毫楮莫窮  
用是起之苦塊之中授以維城之任自典藩服歲月薦

更叢爾趙邦知驥足之難展眇哉鎮府固牛刀之莫施  
方思驛召以赴朝何意遽罹於國憲偶因時獵頗擾部  
民法所不寬憲臺聞上朕尚含容累月未忍即行雖欲  
遂於私恩竟莫違於公議解卿前職即乃世封噫祖宗  
立法非一人之敢私骨肉至親豈千里而能間以此退  
閑之小誠欲成終始之鴻恩經云在上不驕高而不危  
是以知節慎者脩身之本驕矜者敗德之源朕每自勵  
今以戒卿昔東平樂善能成不朽之名梁孝奢淫卒致

憂疑之悔前人所行可為龜鑑卿兼資文武多藝多才履道而行何施不可如能德業日新無慮牽復之晚朕素不工詞翰臨文章草草直寫所懷冀不以辭害意也

增手書明英宗賜襄王瞻塏手書曰姪御名奉書叔父襄王承諭具悉尊意所以惡景諱之僭分而嘉姪之復位及曩有陳言慰安章初未嘗達皇太后所蓋為景諱之所蔽匿也今已於景諱宮檢而得之姪親覽之再三深見叔父忠愛之誠發於讜論抑邪扶正防微杜漸無

非為宗廟社稷計惟叔父之心即周公之心也叔父二章亦即金縢之書之比也皇太后聞之感歎不已承昇綵雲捧日玉帶謹以領訖叔父云欲親行朝見本不敢煩遠來第念先帝同氣至親惟叔父宗室至賢亦惟叔父於情於誼不可不重得一見以篤親親今遣太監夏時齋奉勅符及書迎請即時氣候清和叔父宜從容就道宮眷世子郡王宜留藩邸其當從行之人亦隨尊意帶來竚俟其至惟叔父亮之

出翁山堂別集

原碑梁沈約齊司徒安陸昭王碑曰稷契身佐唐虞功  
大於天地商武姬文所以膺圖受籙蕭曹扶翼漢祖滅  
秦項以寧亂魏氏時乘於前皇齊握符於後靈源與積  
石爭流神基與極天比峻公含辰象之秀德體河岳之  
上靈氣蘊風雲身負日月姑蘓興壤任切關河都會殷  
阜提封百萬全趙之衽服叢臺方此為劣臨淄之揮汗  
成雨曾何足稱乃鴻騫騫吳作守東楚夏首藩要任重  
推轂襟帶中流地殷江漢南接衡巫風雲之路千里西

通鄒鄧水陸之塗三七是惟形勝閫外莫先建麾作牧  
明德攸存以戎羯窺窬伺我邊隙北風未起馬首便以  
南向塞草未衰嚴城於焉早閉至公以奉上鳴謙以接  
下撫僚庶盡盛德之容交士林忘公侯之貴虛懷博納  
幽闡洞開宴語談笑情瀾不竭凡我僚屬均哀共戚怨  
天德之無厚痛棠陰之不留思所以克播遺塵敝之穹  
壤天命玄鳥降而生商是開金運祚始玉筐三仁去殷  
五曜入房亦白其馬服襄周王惠露霑吳仁風扇越涉

夏逾漢政成朞月

北齊邢子才廣平王碑文曰公分

氣氤氲稟靈昭晉基構輪奐源流濬遠積石莫之方委  
水不能喻山瀆效神辰昴降德自天攸縱鬱為時宗墻  
宇淹曠標格秀遠道亞生知德均殆庶日月在躬水鏡  
被物望青松而比秀干白雲而上征侍請金華參遊銅  
雀出陪芝蓋入奉桂室充會友之選當拾遺之舉發言  
為論受詔成文碧鷄自口靈蛇在握方見建安之體復  
聞正始之音公年方弱冠而位居僚右道被生民惠漸

萬物鬱為雅俗之表哉成社稷之鎮公孫聲動天下已  
非其倫管子光照鄰國孰云能擬方謂膺茲多福降此  
永年奪搏風之逸羽窮送日之遠路同岐山之嘉會陪  
岱宗之盛禮而羣飛在辰橫流具及山崩川竭星實日  
銷崑岳既毀玉石俱燼蘭挺則芬玉生則潤泱泱萬源  
落落千仞我有徽猷金聲玉振志猶學海業比登山跼  
躄緹袞絳帳韋編尋微啓奧敷理入元天地或終山河  
匪壽昔曰先民誰堪長久立言立事責之身後式銘景



行是為不朽 增唐張說贈陳州刺史義陽王神道碑  
曰昔高祖之起唐侯革隋命太宗之威四海正萬邦作  
藩帝家用建王國二十一族堯之昭也十有一宗文之  
穆也王諱琮字某文帝之孫紀王之子龍種異品鳳毛  
秀色仁義天啓德威日就學無不探藝無不究總角封  
義陽郡王弱冠拜歸州刺史遭王運中微投於南海書  
稱大去憫失土之諸侯禮不逃誅議無辜之王子某年  
月日遘六道酷吏薨於桂林之野春秋五十神龍之初

興廢繼絕追贈陳州刺史王生不得志歿受遺榮季子  
豫州刺史行休髻鬢羈旅托身炎厲貌是餘慶歸然獨  
存泣血上請迎喪遠裔開元四年二月至桂州王同氣  
三人往皆遇禍殞殮無主封樹缺如歲月茫茫盡為野  
草問鄰母而失處訪樵童而莫識議者以為不可復得  
宜招魂而改葬行休拊心蒼昊誓不徒還乃掃亭館設  
地席潔齋懇惻覬乎幽報遂頻夜髻鬢曲示其端夢王  
乘舟舟分為兩既而適野見東洲中斷因忽悟焉陰隱

微明率此類也又靈堂鎖莖一夕自屈管上有三指凹  
迹一竒二並其旁鐵生文理布列成卦衆駭其異使善  
易者張法著之曰屈者於文為尸出指者於義為指縱  
一竒二並三殞近關若引渦上揆之可以察先王之心  
矣考夢協卜定處刻辰以某月二十八日於桂城東洲  
發見神樞舉體咸備而一節闕焉行休甚痛惋若身毀  
裂其夜又夢王告在南洛州厥明直舊殞而南十有九  
步沙洲痕下掘而得之安合如故他日北郭之外又并

收二叔父焉於是乎驗著之有徵也子子三旒連軸歸  
飛遙遙百越經途瞻歎零桂人士以為美談夫至孝潛  
通精魄昭應虛無之見推步而有窈冥之體尋求而致  
雖前誌所詳未有幽感反覆若斯之昭晰矣以某年月  
日陪葬於昭陵柏城妃汝南周氏祔焉禮也妃以王故  
薨於掖宮初永昌之難王下河南獄妃錄司農寺唯有  
崔氏女扉履布衣往來供饋徒行悴色傷動人倫中外  
咨嗟目為勤孝王之二子配在嵩州及六道使之用刑

也長曰行遠以冠就戮次曰行芳以童當捨芳啼號抱  
行遠乞代兄命既不見聽固求同盡西南傷之稱為死  
悌君子謂勤孝者仁之厚也死悌者友之難也感神者  
誠之至也此三者有以見義陽之義方賢妃之內訓繼  
體之崇德夫如是淳美上歸乎本朝盛烈延耀乎邦族  
安可闕而不飾碑版無文而已哉銘曰高丘白雲維堯  
大理函谷紫氣維周柱史百代福流千齡運起富有海  
內貴為天子聖帝才子於穆紀王賢王祚脩倬哉義陽

慎徽九德九德有常允釐三郡三郡以康明夷於飛丹  
崖之下梁木其壞桂林之野不識阡陌無存松楸予以  
求之人莫知者哀哀孝子眷眷靈夢語妙常閤文微甄  
仲南洛占從東洲億中舊窆移偏新棺改贈既克返葬  
亦附山陵卜云其吉神心允憑人非地是迹謝名稱青  
青松柏丕顯丕承

原墓誌齊王融豫章文獻王墓誌銘曰領袖傾淪人綱  
弛沒半嶽摧峯中河墜月眷然曉隧如何夜臺鯨驂惋



於昭帝緒擅美前王綠圖丹紀金簡玉筐世載台鼎地  
居魯衛沛易且傳楚詩將說桐圭誰戲甘棠何憩 沈

約丞相長沙宣武王墓誌銘曰山岳鎮地日月麗天鄰  
幾者庶亞極稱賢哉哉哲人實維天縱德基內美功成  
日用亦既東轅實拯朝難迅鋒雷駭霜戈電斷震主必  
危功高不賞哀動上霄痛銘玄壤聖武爰發後恥申冤  
大禮空備幽駕莫援 陳徐陵司空河東康簡王墓誌  
銘曰夫聖人至德天道福謙大哉堯舜貽慶長遠明兩



之盛中陽纂于泰龍百世之祀皇家兆于鳴鳳違青丘  
于海北應紫蓋于江南帝系皇基重光累葉高祖之建  
天柱列聖之補地維蕩蕩乎民無得而名焉者也王資  
神昂緯託曜房靈體斯孝烈不由師保月生之對曾何  
用於擬議日近之言亦無階於等級封河東王加侍中  
淑貌與金燧相宜清顏與玉壺同照授使持節南徐州  
刺史武羗旅拒亭障遷移漠草非長廣之東湖萊近荆  
門之北王常譏庾翼使白面之非才深慕曹彰歎黃鬚

之為可火精不退奚應善言冰蛭難消徒持陰德薨於  
沙鎮時年一十有七追贈司空加鼓吹班劍謚曰康簡  
王洛北占墳河南除道葭悲煙殿之聲劒動豐城之氣  
豈惟晉王寵悼重琅邪之贈官魏后高文制蒼舒之哀  
誄

原誄後漢傳龍北海王誄曰永平六年北海靜王薨於  
是境內市不交易塗無征旅農不脩畝室無女工感傷  
慘怛若喪厥親俯哭后土仰懇皇旻於是羣英列俊靜

思勒銘惟王勲德是昭是明存隆其實光曜其聲始終  
之際於斯為榮乃作誄曰覽視昔初若論往代有國有  
家篇籍攸載貴賤不驕滿罔不溢莫能履道聲色以卒  
惟王建國作此蕃弼撫綏方域承翼京室對揚休嘉光  
昭其則溫恭朝夕敦循伊德 魏文帝蒼舒誄曰建安  
十二年五月甲戌童子曹蒼舒卒乃作誄曰於惟淑弟  
懿矣純良誕豐令質荷天之光既哲且仁爰柔克剛彼  
德之容慈我聿行宜逢分祚以永無疆如何昊天凋斯

俊英嗚呼哀哉惟人之生忽若朝露促促百年疊疊行

暮矧爾既天十三而卒何辜於天景命不遂 曹植任

城王誄曰昔二虢佐文旦奭翼武於休我王魏之元輔

將崇懿迹等號齊魯如何奄忽命不是與仁者悼沒兼

彼殊類矧我同生能不慟悴目想宮墀心存平素髣髴

魂神馳情陵墓凡夫愛命達者徇名王雖薨殂功著丹

青人誰不沒貴有遺聲乃作誄曰幼有令質光耀珪璋

孝殊閔氏義達參商溫溫其恭爰柔克剛心存建業王

室是匡矯矯元戎雷動雨徂橫行燕代威懾北胡奔虜  
無竄還戰高柳王率壯士常為軍首宜究長年永保皇  
家如何奄忽景命不遐同盟飲淚百僚咨嗟 宋謝靈  
運廬陵王誄曰事非淮南而痛深於中霧迹非任城而  
暴甚於仰毒託體皇極銜怨至盡豈惟有識傷慨故亦  
率土悽心蓋出罔已之悲以陳酸切之事云爾哀哀君  
王終仁且德在枉無言即罪有默曾是忍虐古來一酷  
身微咎累痛踰酖毒何斯禍斯乃怨乃辱命如可延人

百其贖務急景之難留悼驚波之易淪自君王之冥漠  
歷彌稔於此春聆鳴禽之響谷視喬木之陵雲咸感節  
而興悅獨懷悲而莫申侯射隼於高墉赫王典以正刑  
服二臯於狴犴致九伐於南荆發酸痛於仁詔令寵贈  
於哀心布悽楚於帝言攄綢繆於皇音

原行狀梁任昉齊竟陵文宣王蕭子良行狀曰公道亞  
生知照鄰幾庶孝始人倫忠為令德公實體之非毀譽  
所至天才博瞻學綜兼明至曲臺之禮九師之易樂分

龍趙詩析齊韓有一於此罔不兼綜昔沛獻訪對於雲  
臺東平齊聲於楊史淮南取貴於食時陳思見稱於七  
步方斯蔑如也夫家國之道互為公私君親之義遞為  
隱犯公二極一致愛敬同歸亮誠盡規謀猷宏遠矣他  
人之善若已有之民之不臧公實貽恥誘接恂恂降以  
顏色人有不及內恕諸己非意相干每為理屈任天下  
之重體生民之俊華袞與緼緼同歸山藻與蓬茨俱逸  
良田廣宅符仲長之言印山洛水協應叟之志丘園東

國錙銖軒冕乃依林構宇傍巖拓架清猗與壺人爭旦  
緹幙與素瀨交輝置之虛室人野何辨高人何點躡履  
于鍾阿徵士劉虬獻書於衡岳贈以古人之服弘以度  
外之禮 沈約齊臨川王行狀曰公遵元源於陵壑稟  
黃中之正氣其性逸其神凝端華表美弱齒弘貴至乎  
將立雲虛景暖岳秀川渟蘭桂不踰其質珪璋未究其  
美幼而悅學業茂從師洽貫書場該綜文圃清暉祕譽  
燭野光朝 裴子野司空安城康王行狀曰降七緯之



禎靈五行之正性珪璋博達清明在躬學無常師希追  
風乎孔父幾神殆庶諒亞迹乎顏生說禮敦詩方昔人  
而有裕既明且哲體大雅而弗渝若乃慈明外朗淑德  
內潤夏侯玉樹之談衛玠璧人之目又授使持節郢州  
刺史公四居方岳政刑克舉仁恕以懷君子刑憲以肅  
小人位煩以簡居難則易需如時雨芬若蘭蓀所去見  
思所居稱治遠疾薨竟陵之石楚時年四十四皇上震  
天倫之悼庶僚懷人百之感詔贈司空常侍王如故禮

也自己濮以東鄆鄧以北方舟連騎赴者如雲昔王猛  
及蔡仁禽有踐境之識羊祜云亡市人有罷歸之慟若  
公恩結三楚亦異出一時公幼無擇言長無擇行立功  
以庇物執德以居宗重以道性虛閑居處冲約終日清  
淨如布素焉

原表梁沈約為南郡王讓中軍表曰臣聞建侯茂則非  
賢罔樹分器鴻典惟懿實先而臣挹道未弘踐義多缺  
徒升國彛空襲宸寵光珪華組掩霽於闕垂令采薇猷

寂寥於甸表晨伸委帶夕軫臨顏皇衢肇啓鼎運始資  
魯衛兼啓義邈周年齊楚並建禮高漢日臣以末第聯  
輝上序祐履荆阿懷璽夢曲拊志惟熏佩握如搏 劉

孝綽為鄱陽嗣王初讓雍州表曰臣聞大邦維屏既慙  
宗子之詩思樂泮宮有缺僖公之頌特以周興九伯錫  
壤參虛漢啓二河分珪舊楚身私家慶總集微躬雍部  
襟帶跨制數州西拒嶢關北跨鄧塞雖復呼韓來朝橐  
街納質二虜尋戈四郊無警猶當王戎雅識羊祜尚義

臣退求諸已無或宴安進思盡忠幾乎私竭

原章梁沈約為晉安王謝南充州章曰臣以萊孱幼無  
秀業依天宅照藉海憑瀾王爵早加藩麾夙樹進不能  
開詩西楚好禮北河退無以振采六條宣風萬里懷慙  
起懼載溢心顏而皇明輝燭照被彌遠遂乃徒旆淮區  
遷金濟服朱轡出邱青組臨方瞻惟徵寵俯仰忘厝

又為安陸王謝荊州章曰臣托景宸區早延休寵身班  
帝穆爵首藩珪好禮慙河敷詩愧楚懸旆出關徒違絳

闕擬金入濟識謝戎麾而照臨彌廣復叨匪服紀南形  
勝任總上游西緯岷邛北繼嶠陝六轡在手猶或稱難  
羣牧稟威茲道孰易是以據情陸白布款幄垂宵迺嚴  
遠事隔披照腆冒斯顏膺此謬荷祇奉兢懼罔知攸託

公族

離棄公族

公族刑附

原帝子 天孫 皇家 天族 金枝 朱郎 麟角

詩麟之角  
振振公族

燕毛

所以  
序齒

周親

雖有周親  
不如仁人

晉宗

傳晉  
吾宗

也

朝內

公族朝於內朝內親也雖  
有貴者以齒明父子也

向方

古者庶子  
之官治而

邦國有倫邦國有倫而衆  
向方矣注言知所向也

授事

宗人授事以爵以官尊賢也

為

位宗廟之中以爵為位崇德也

族食

其族食世降一等親親之殺也殺差也謂燕有差數

喪紀

以服之輕重為序不奪人倫之親

合食

君子因族以合食合食謂與族人合食也

尚齒

禮周人貴親而尚齒

合族

禮有合族之道族不得以其戚戚君位也注君恩雖可以下施

而族人皆臣不得以父兄之尊加於君也

展親

時庸展親

叙族

敘族敘叙

睦人

禮以教睦人

既睦

九族既睦

不咸

傳昔周公弔二弟之不咸咸和也弔傷也

親

親

一周禮太宰八統馭萬民一曰親親親九族也

長長

分寶玉

於伯叔之國

託肺腑

劉向曰臣幸託肺腑言國親如肺腑之附身

正公族

周公踐祚庶子之正於公

族者教之以孝悌睦友子  
愛明父子之義長幼之序

糾宗族

糾合宗族於成周

人道

之先

親親也

異姓為後

周之宗盟異姓為後

立愛自親

睦教民也

立愛惟親

立敬惟長

理親存愛

禮理正也

先親後疎

魏曹植表曰堯

之為教先親後疎

支子為公

晉諸王之支庶皆王家之近屬至親亦各以土推恩承其大國

始封王之支子為公承封王支子為侯繼承封王之支子為伯次國始封王之支子及始封公之支子皆為男

皇族降公

後魏皇子封王皇族皆降為公諸公降為侯侯子亦為此差

達孝悌

之道

公與族人燕則以兄弟齒而孝悌之道達矣以至尊不自異於親列之中

見親疎之

殺

禮白帖

增玉林

翰苑新書曰慕容超傳天族多奇玉林皆寶

寶曹

類苑詳註

曰天子之族姓也

**根源**

事詞類奇曰唐吳兢疏根朽者

源可使枯竭哉

**枝葉**

左傳曰宋昭公將去羣公子樂豫曰不可公族公室之枝葉也若去之則本根

無所庇蔭矣

山堂肆考曰劉裕志移晉鼎先除枝葉於是宗室司馬國璠遠禍出奔於秦

**揖同**

**姓**

周禮曰土揖庶姓天揖同姓

**朝內朝**

翰苑新書曰記公族朝於內朝

**忝屬籍**

事詞類奇曰唐舒王元名高宗欲授以大州辭曰臣忝屬籍宜以州郡為仕進資耶

**舉異能**

唐書

曰李麟喬舉宗室異能轉殿中侍御史

**察人材**

金史曰世宗巡幸上京宴宗室於皇武殿上謂

宗尹曰賞賜宗室亦是小惠又不可一舉遷官其間人材孰可者宗尹對曰奉國威準之子安濟庫豫國公昱

之曾孫阿魯可任使詔以為奉御

**與輪對**

宋史曰希言嘉定間遷宗正丞請南班得與輪對許



之

**在省闈**

唐書曰嗣澤王瑒為宗正卿宗子有一善無不薦延宗室在省闈者多瑒所啓

**優疎屬**

宋史曰凡疎屬宗正有籍玉牒有名宗學有教郊祀明堂過國慶典皆有祿秩所寓州縣月有

廩餼宗女適人亦有恩數

**千里駒**

山堂肆考曰唐孝節曾孫嵩少孤事母孝始為枝江丞荊州長

史張柬之曰帝宗

**宗室老**

唐書曰嗣吳王祗代宗大歷間為宗室老以太子賓

客為集賢院待制

**乘牛車**

漢朱浮傳光武時自宗室諸侯王外家后戚皆遵奉繩墨無親黨之

名至或乘牛車齊於編人斯

**騎弱馬**

山堂肆考曰李賀唐宗室也七

固法令整齊下無作威者也

**宗臣表**

事詞類奇曰唐李勉內沉雅外清整其在

歲能詞章每旦出騎弱馬從小奚奴背古錦囊

朝廷鯁亮廉介為宗臣表

**同姓卿**

宋史曰趙汝愚使重華宮提舉闕禮以內禪事請於憲聖太后

禮曰今丞相已去所賴者趙知院旦夕亦去矣憲聖驚曰知院同姓事體與他人異乃亦去乎禮曰知院未去非但以同姓故以太皇太后為可恃耳後除右丞相汝愚辭不拜曰同姓之卿不幸處君臣之變敢言功乎

### 宗室為賢相

翰苑新書曰唐相以宗室進者九人皆以材稱號賢宰相

### 文章第

### 進士

饒陽侯子叔韶字君和慶厯八年與諸宗子帝前臨真宗御書選第一皇祐初進所為文召試學士

院中等賜進士及第自太子右監門府副率遷右領軍將軍入謝命坐賜茶仁宗曰宗子好學者頗多獨爾以

文章第進士前此蓋未有也朕欲天下知屬籍有賢者宜勿忘所學

### 宗室入學

安僖秀王子偁

孝宗生父也孝宗既封建國公就傅子偁召對言宗室之寓於外者常聚居官舍選尊長鈴束之年未十五附入小學十五入大學許依進士就舉未出官者亦許入學聽讀及三年聽參選高宗納其說

### 別立

宗學

宋史曰嗣秀王伯圭判大宗正事建請別立宗學以教宗子

最賢

唐書曰國初宗室唯

道宗孝恭為最賢

宗老

山堂肆考曰梁蕭琛為侍中武帝呼為宗老

賢宗室

布

居官所至有聲立朝好言天下事孝宗嘉其忠諒每宴禁中帝飲之酒顧謂太子曰此賢宗室也

五

秀才

宋史曰德文字子砥廷美第八子淳化初累遷滑州觀察使馮翊郡公少好學凡經史百家手自抄

撮工為詞章真宗以其刻勵如諸生嘗因進見戲呼之曰五秀才宮中由是悉稱之續文獻通考曰明太祖

於蜀王椿以其博洽亦呼為蜀秀才云

好學樂善

宋史曰仁宗御延和殿試宗子書以宗望

為第一入嘗獻所為文賜國子監書及以塗金紋羅御書好學樂善四字賜之即所居建御書閣帝為題其榜

子

縱酒自晦

金史曰昂金景祖弟博索之孫伐遼宋有功仕至樞密使左丞相昂在海陵時

縱飲沉酣輒數日不醒海陵聞之嘗面戒不令飲得間輒飲如故大定初還自揚州妻子為置酒私第未數行輒卧不飲其妻大氏海陵從母姊也怪而問之昂曰吾本非嗜酒者但向時不以酒自晦則汝弟殺我矣今遭遇明時正當自愛是以不飲識者稱之

睦親宅

宋史曰仁宗建睦親宅命濮王允讓知大宗正

寺宗子有好學勉進之以善若不率教則勸戒之至不變始正其罪人莫不畏服焉

翰苑新書曰崇寧元年

蔡京請宗室非袒免親以下兩世欲分於西京南京或沿郡居止每處置敦宗院光宗時改為睦宗院

仙源圖

山堂肆考曰宋真宗以趙安仁為宗正卿重脩玉牒屬籍又為仙源積慶圖

甄別

補外

宋史曰范鎮言於仁宗乞令宗室疎屬補外官帝曰卿言是也顧恐天下謂朕不能睦族耳鎮曰陛

下甄別其賢者用之不沒其能乃所以睦族也雖不行熙寧初卒如其言

公族之盛

弇山堂別

集曰明自郡王外鎮輔奉國將軍七千餘人奉國中尉五千餘人公族之盛自古未有

原貴親

綏族 本枝 宗枝 維城之固 磐石之安 敦

睦之情 柔懷之道 深骨肉之恩 厚枝葉之庇

本元祖之先宗 分皇家之茂緒 糾合符棠棣之詩

信厚如麟趾之日

以下離棄公族

杖杜

晉人刺時君不能親其宗族也

葛藟

王族刺桓王也周室道衰棄其九族

不迪

書曰今商王受昏棄厥遺王父母弟不迪註迪

道也言按之不以道也

用羈

單獻棄親用羈

存愛

禮云親離存愛

間親

傳曰

遠聞親所謂大逆

廢懿親

傳曰王將以狄伐鄭富辰曰雖有小怨不廢懿親今天子不忍小怨

以棄鄭親其若之何

無公族

白帖云晉自驪姬之亂詛無畜羣公子自是晉無公族成公即位乃

立也

增投嶺南

唐書曰武后悉誅諸王牽連死滅殆盡子孫雖嬰祿亦投嶺南

奔南

山

五代史曰後唐太祖子八人同光三年詔封存美等七人為王及李嗣源反嚮京師諸王多為軍衆所殺

或出奔南山匿民家

何況賢輩

山堂肆考曰王安石作相裁損宗室恩數宗室子相率馬首陳

訴云告相公看祖宗面安石厲聲曰祖宗親盡亦湏祧何況賢輩

不事生業

金史曰世宗巡

幸上京聞大宗正宗寧不能撫治宗室宗室子往往不事生業上謂宗尹曰汝察其事宜懲戒之宗尹曰隨仕之子父沒不還本土以此多好遊蕩上命召還

原道乖綏族

義爽篤親

無縱斧於棗華

宜庇根於葛藟

將枝葉之有庇

豈蔓草之難圖 展親將藉於屏周 不弟宣容於克

段 骨肉將離不親九族 枝葉將落無庇本根

以下

公族 罪三宥 獄成有司獻於公則曰某之罪在辟公曰宥之及三宥不對走出致刑於甸人公乃

素服不舉也 議八辟 周禮八辟一曰議親之辟 無宮刑 公族無宮刑不剪其類也

不即市 周禮凡王之同族有罪不即市注云刑於隱所也 不隱親 治國制刑不隱

其親 必掩恩 義必掩恩 死刑 周禮甸師王之同姓有罪則死刑焉注云王同姓有罪者

斷其獄於甸師之官 親哭 骨肉之恩無絕 貴戚必禁 月令雖有貴戚近習無有不禁

織剝亦告 禮公族之罪在其織剝亦告甸人 磬於甸人 禮公族有死罪則磬

於甸人不於市朝也甸人掌野官也懸繼殺之曰磔也

刑於甸人

白帖云有制刑於甸人公

素服哭之如其倫之喪無服

增不當稱賀

唐書曰僖宗時田令孜逼幸慶元邠寧節度使

朱玖劫襄王裔孫煊立為帝改元建貞尊僖宗為太上皇後為王重榮所殺函煊首至行在所百官稱賀太常博士殷盈孫曰禮公族有罪有司曰某之罪在大辟君曰赦之如是者三走出致刑焉君為素服不舉者三日今煊皇族以不能固節迫脅至此宜廢為庶人絕屬籍葬以庶人禮大捷之慶湏朱玖首至乃賀詔可

不加刑責

文獻通考曰明制宗室有犯但明賞罰不加刑責著為令又置高牆於中都有罪者錮

之原威克厥愛私不害公宜準律論難從刑

放

禮刑放於寵

雖親惟立愛而罪則斷恩宜解網於



竹刑 無縱斧於葛藟 恩雖切於棣華 法宜除於

蔓草 門內之治恩掩義 門外之治義掩恩 雖金

枝可貴三宥必加 而王律難容一成不變

白帖

### 外戚

原戒侈

後漢陰識光烈后兄封陰鄉侯叩頭謝曰臣托屬掖庭仍加爵邑不可以示天下弟與賜爵闕

內侯固讓曰臣蒙陛下貴人恩澤富貴已極不可復加班固贊曰樊氏世篤陰亦戒侈

懼譏

晉褚

裒以太后父議加不臣之禮裒以近戚懼獲譏嫌上疏固辭

淪寵

東漢淪於嬖習女寵

曠

貴

漢書云陽平之王曠貴最久

椒房之重

漢蓋長公主共養帝丁外人侍長主上官安說

外人曰安女得為后臣有椒房之重成之在足下月餘遂立為后安封桑樂侯

宮省之權

後詳

后族英華

晉書外戚傳云弘理儀形外朗季野神鑑內融仲祖溫潤風流幼道清虛寡慾豈惟

后族之英華抑亦縉紳之令望

高門領袖

又云庾亮世俗羽儀王恭高門領袖

家號

金穴

後漢郭況郭后弟封安陽侯遷大鴻臚帝數幸其第飲燕賞賜金錢繅帛豐盛莫比京師號況家為

金穴館名渭陽

世說云魏明帝築館於甄氏謂左右曰當以何名侍中繆襲曰陛下此館之興

情鍾舅氏宜以渭陽為名

並受寵榮

後漢樊儵以外戚封燕侯謂弟鮪曰建武時吾家並受寵

榮一宗五侯時特進一言女可以配王男可尚主但以貴寵過盛即為禍患故不為也

不許封

爵

又馬防廖光並明德后兄明帝建初元年欲封爵太后不許至永平四年封為列侯並辭讓願就關內侯

薄昭仁善

史記代王薄太后弟昭從如代大臣皆稱薄氏仁善王立為帝昭封軹侯

郭

况謙恭

後漢郭况謙恭下士頗得聲譽

兄弟退讓

史記實后凡建弟廣國為退讓君子

不以尊貴驕人

父子謹恪

後漢樊宏世祖之舅封壽張侯為人謙柔畏慎不求苟進子儵謹約

有父風弟鮪為子賞求楚王與女儵聞而止之其後楚事發覺帝念儵謹恪故其諸子得不坐

史丹

寤主

漢史丹以外屬恩元帝時位至三公輔導副主掩惡揚善推至誠犯顏色動寤萬乘轉移大謀卒成

太子安母后之位云

傳喜守節

漢傳喜傳太后從弟太后與政喜數諫之介然守節

封

公賜宅

漢實后厚賜弟廣國田宅金錢封公昆弟家於長安

置丞守冢

白帖云漢皇后

親卒皆置園邑長丞奉守冢寢

增獨以女賤

山堂肆考曰漢御史大夫李延壽卒在位多舉

馮野王上曰吾用野王為三公後世必謂我私後  
官親屬野王歎曰人皆以女寵我兄弟獨以女賤

弗

緣內寵

唐書曰若長孫無忌之功武平  
一之識吳淑之忠弗緣內寵

終宴侍

玉堂  
清話

曰杜審琦昭德皇太后兄也自寧州歸太祖太宗皆其  
甥一日陳內宴於福寧宮太后臨席祖宗以渭陽之重  
終宴侍馬又前拜為壽樂人致辭曰前殿展君  
臣之禮虎拜朝天後宮伸骨肉之情龍衣拂地

入宮

覲

宋史曰曹侑元豐中以疾告既愈入謝帝曰舅久不  
覲太皇太后宜少憩內東門朕當自啓已而召入歷

上下儒釋道五間大椿  
蟠桃亭再陞殿乃退

所出微

山堂肆考曰漢文帝  
實后弟廣國與兄長

君厚賜田宅於長安周勃灌嬰等曰吾屬不死命且懸  
此兩人兩人所出微不可不為擇師傅於是乃選士之  
有節行者與居兩人由此為  
退讓君子不敢以富貴驕人

無敗家

唐書曰太宗檢  
貴倖裁賞賜貞

觀時戚里無敗家

### 盛德事

合璧事類曰元祐七年三省請用景祐時李用和等改官移鎮恩例

今高氏朱氏皆舉故事加恩太皇太后曰章獻垂簾初無此例呂大防曰太皇太后以高氏故深自抑損如故事何后曰外家恩澤方欲裁損可又增長乎大防曰此盛德事

### 外戚表

唐書曰吳湊章敬皇后弟

也由布衣與兄淑一日賜官皆等而湊畏太盛乞解太子詹事換檢校賓客湊才敏而謙畏歷官兵部尚書及屬病不內醫巫曰吾起田畝位三品顯仕四十年七十尚何求先是街樾稀殘有司蒔榆其空湊曰榆非人所蔭玩悉易以槐及槐成而湊已亡行人指樹懷之唐興后族退居奉朝請者猶以事失職而湊任中外未嘗有罪過為世純臣

宋史曰曹佺字公伯彬之孫光獻皇后弟也性和易美儀度通音律

善奕射喜為詩自石班殿直累進同中書門下平章事封濟陽郡王神宗每召訪以政然退朝終日語不及公

事帝謂大臣曰曹王雖用近親貴而端拱寡過善自保真純臣也

**犯難**

唐書曰朱泚反盧杞白志

貞皆謂泚有功不宜首難得大臣一人持節慰曉惡且

懷德宗顧左右無敢行者時吳淑遷大將軍願往謂人

曰吾知死無益而決見賊者人臣食祿死其難所也且

不使陛下恨下無犯難者即日齋詔具道帝待以不疑

者而泚業偪逆故留淑不遣卒被害

**不得與議朝政**

自山堂別集曰明

不選公侯家正統初太皇太后下詔裁彭城伯張景左

都督張昇不得與議朝政自後雖爵至公侯位為師傅

亦優游食祿奉朝請而已

**未嘗干朝廷事**

唐書曰竇威從子抗煬

帝遣抗出靈武聞高祖已定京師喜曰此吾家壻豁達有大度真撥亂主也因

歸長安高祖見之握手喜甚因置酒為樂授左武侯大

將軍帝聽朝或引升御坐既退入卧內從容談笑極平

生歡以兄呼之官中稱為舅或留宿禁省侍燕豫然未

當干朝  
廷事

# 三世追王

宋史曰徽宗追念向太后不已乃數加恩兩舅宗良宗回皆位開府

儀同三司封郡王自敏中以上三世亦追封王爵非常典也

## 世為后族

元史曰托音色辰姓

布斯格爾鴻吉哩氏世居朔漠本名托音從太祖起兵有功賜名色辰故燕稱之曰托音色辰其女即太祖光獻皇后子曰阿禪從太祖征伐凡三十二戰皆與有功丁亥賜號國舅阿禪諾延壬辰賜銀印封河西王以統其國族有旨鴻吉哩氏生女世以為后生男世尚公主每歲四時孟月聽讀所賜旨世世不絕自太祖時分賜農土至至元二年額埒春萬戶及其妃囊加特章公主請於朝曰本藩所受農土在上都東北三百里達哩海子可建城邑以駐夏帝從之遂名其城曰應昌路元貞元年又請以應昌路東七百里創建城邑以駐冬復從之名其城曰全寧路又給濟寧路十六縣汀州路六縣永平路六縣其應昌全寧等路自達嚕噶齊總管以下諸

官屬皆得專任其陪  
臣而王人不與焉

### 七族六姓

事詞類奇曰西京七  
族皆后黨呂竇衛官

霍許王是為七族東京六姓亦  
后黨鄧馬竇閭梁何是為六姓

### 十妃三后

山堂肆考  
曰竇氏自

唐武德以來尚主者八人女為王妃者十人竇威曰臣  
家在漢再為外戚至元魏有三皇后今陛下龍興臣後  
以姻戚進帝曰公  
以三后族誇我耶

### 原借明光宮

漢王商嘗病欲避  
暑從上借明光宮

### 奪沁水園

後漢竇憲恃官掖聲勢請  
以賤直奪沁水公主田園

### 取掖庭女

王根  
聘取

故掖庭女樂置酒歌舞兄子  
況亦聘取故掖庭貴人為妻

### 刺都鄉侯

齊殤王子都  
鄉侯暢來弔

國憂得幸太后竇憲懼分公省  
之權遣客刺殺暢於屯衛之中

### 治第起山

漢外戚傳  
曰五侯大

治第室起土山漸臺洞門高廊閣道連屬彌望百姓歌  
曰五侯初起曲阿最起壞決高都連境外杜註云從長



安至杜陵

遊觀治道

又云王根遊觀射獵使奴從被甲持弓弩陳為步兵止宿離宮水衡供張

發民治道百姓苦其役

許史丁傳

漢自宣元成哀外戚興者許史三王丁傳之家皆重侯累

將窮貴極富

樊鄒陰馬

後漢外戚樊氏鄒氏陰氏馬氏諸子弟並立學號曰四姓小侯以非

列侯故曰小侯禮記曰庶方小侯亦其義也

王氏五侯

漢元后兄弟王譚為平阿侯商成都

侯立紅陽侯根曲陽侯逢時高平侯五人同日封故世謂之五侯

梁家三后

後漢梁冀家一

門三后

三世據權

五將秉政

白帖云王氏三世據權五將秉政天下輻輳自

效

增傾諛迎諂

武三思性傾諛善迎諂主意鉤深隱微

占奏俚近

鄭光

孝明太后弟也會昌末夢御大車載日月行中衛光輝洪洞照六合寤而占之工曰君且暴貴不閱月宣宗即

位光興民伍拜諸衛將軍累遷河中鳳翔節度使七  
年來朝占奏俚近帝失所望自是不復委方鎮矣

# 四十餘使

唐書曰楊國忠由御史至宰相凡領四十餘  
使國忠性疏悅捷給硃硃處決機務自任不

疑盛氣驕懷百僚莫敢相可否官屬悉苛督勾剝相甚  
又便佞專徇帝欲及馬嵬被殺子四人及妻裴柔皆先  
殺後見

# 五使並除

張堯佐溫成皇后世父也溫成方為  
脩媛欲以門閥自表異故堯佐進用

仁宗祀明堂改戶部侍郎尋拜淮康軍節度使羣牧使  
制置使宣徽南院使景靈宮使諫官包拯等言陛下即  
位三十年未有失道敗德之事乃五六年來擢用堯佐  
羣口竊議制下之日陽精晦塞氛霧蒙宇宜亟命追寢  
御史中丞王舉正留百官班欲廷

# 使酒任氣

楊景宗  
章忠太

議不許是日堯佐辭宣徽景靈使  
后弟也起徒中以外戚故至顯官然暴戾所至為人患  
後使酒任氣在滑州嘗毆通判仆地帝深戒無飲酒景

宗雖書座右  
項之復醉

戀嫫恩寵

宋史曰張堯佐起寒士持身謹畏頗通吏治曉法律以威

里進遽至崇顯繼  
嫫恩寵為世所鄙

壽寧兄弟並寵

明昭皇后母儀奕世幾於文以故

張氏得封二伯壽寧侯張竊齡建昌侯  
張廷齡兄弟並寵李夢陽上書指斥

會昌總領團

營

弇山堂別集曰會昌侯孫繼宗以元舅總團營兵馬  
監修國史知經筵迨八十告老猶掌後軍都督府事

亦明制之  
一大變也

豈獨女子富貴

唐書曰獨孤懷恩元貞皇后弟也隋文帝獻后以姪

養宮中及唐高祖受禪擢工部尚書遣為將性貪寡算  
畧數戰無功士喪沮詔書切責而懷恩稍怨望高祖嘗  
與戲曰弟姑子悉有天下次當爾耶懷恩內喜以為天  
命既而居忽忽咤曰我家豈獨女子能富貴也因謀亂  
伏誅

因緣椒房致此

合璧事類明皇雜錄曰楊國忠嘗謂客曰某家起細微因緣椒房致

此未知稅駕之所念終不能致名更當取樂於富貴耳

**鬻割奴婢**

宋史曰王繼勛孝明皇后

同母弟也性克率無賴領彭州防禦使乾德四年為部曲所訟解兵柄為彰國節度留後繼勛自以失職嘗快

快專以鬻割

**發冢日月**

唐書曰天寶九載復詔發掘韋庶人父元貞等墓長安尉

奴婢為樂

薛崇先往視冢銘載葬日月與發冢日月正同初韋后號元貞墓為崇先陵而陵與尉名合云

**頭顱**

**墮地**

山堂肆考曰東漢安帝以耿貴人兄竇監羽林車騎閭后兄弟並典禁兵尚書翟酺上書曰昔鄧竇

之寵傾動四方庶官重絀盈金積貨及其破壞頭顱墮地願為孤豚豈可得哉

**孝嬰頸血**

唐書

曰武韋諸族孝嬰頸血楊氏之誅唯類不遺

**原重侯累將**

**窮貴極富**

並見

前**增王族驕盈梅福上書**

**竇氏專縱丁鴻進諫**

唐書

會昌主兵符而不能易人主之喜怒 壽寧建昌能  
易人主之喜怒而不能與外廷之進止 其極不過富  
貴 其樂不過狗馬聲色 其威怒不過行閭閻  
集 原外戚之助 肺腑之親 戚里 外屬 貴戚

外姻 白帖



御定淵鑑類函卷六十